

**Yìèn tə, Yu nə biri Zwan nə, ɔ  
ma gúrí  
‹Apokalisə›  
Apokalisə sagi tə yuu wa  
sugv**

*Lìù tə, ɔ nə púpúní sagi kv tə*

Lìà zənzən buja də, kv yi Zwezi karbiu Zwan nə púpúní kv. Mə ɔ mù Zwan təntə tətə nə púpúní Zwezi-\*Kərisə suywánú tə. ʋ yà kwɪn zənzən máná tə wa, ɔ nə púpúní sagi kv tə. Ba yà jɪn wá, ba ja va ba dɔgv Patəmɔsə nə, kv nə yi muv tətəŋi nagwanaa.

*Lìà tə nə, ɔ nə púpúní*

Zwan púpúní sagi kv tə ɔ pa \*Kərisə lìà púló tə nə, lìà tə nə dé càn tə wa, ba nə ken ba waa Zwezi-Kərisə nə yɪɪ. Kv máná tə wa, də \*Romə-ba yà kəni càn Kərisə lìà tə nə.

*Sagi tə wa sugv*

\*Kərisə lìà tə vànà wulə tə gwàrì. Ba ba Kərisə na də ɔ biàn, sə ɔ dé diàn lwanɪ yuu wa.

Zwan púpúní ba nə, sə ɔ ma dàn ba jìàn zənzən, ba nə ken ba waa Zwezi-Kərisə nə, ba ga ja yala də wá yɪɪ. Zwan pìà, sə ɔ twá nətɔ, ɔ ma biri də lwanɪ yi, ndə tə diàn dwə won mama. Yá Zwezi-Kərisə yi lɔv mama pìú, ɔ mù cɪcɪ ga nə yi \*Yuu-Tiu. ʋ pàrì tə dwə tɪa yuu pèegá tə pàrì tə. Kv wá twá də ɔ mù Yu də lìà tə, ba nə

yi Yu nè ti ma dé diàn míámíán diun don nè. Sagɪ kɔ tɛ wa yìèn tɛ Yu nè biri, kɔ yi, sɛ tɛ san nèba, sɛ nè lwarɪ yìèn tɛ mama, nè wá twá Kərisə tɔtɔɲɪ tɛ dɛ ɔ ka bwin ka nan tian wa tɛ nè, tɛ ma bà. Tɛ wá bà síún nè, dɛ máɲá tɛ ka nè biàn, tɛ pa lià tɛ mama nè, ba yi ɔ nyièn tɛ.

*Sagɪ tɛ yuu wa sɔgv  
(Apokalisè 22.6-10)*

<sup>1</sup> Sagɪ kɔ tɛ yi yìèn tɛ, Yu nè pɪn Zwezi-\*Kərisə nè, sɛ ɔ biri ɔ tɔtɔnbɪa tɛ nè, sɛ ba ma lwarɪ, kɔ tɛ nè mɛ, sɛ kɔ bà síún síún. Zwezi tɔn ɔ \*maluka, sɛ kɔ swìn tɛ yìèn tɛntɛ, kɔ biri à mù Zwan nè, à nè yi ɔ tɔtɔnbɪu. <sup>2</sup> À mù Zwan swìn kɔ tɛ mama, à nè ni, à ga swìn Yu sɔgv tɛ, ɔ nè pɪn Zwezi-Kərisə nè, sɛ ɔ biri nè. <sup>3</sup> Pupwən liù nè yi liù tɛ, ɔ nè kàrì dɛ ba tɛ, ba nè cuga sagɪ kɔ tɛ yìèn tɛ, ba ga sɛɛ tɛ sùràn tɛ nii. Tɛ yi Yu nii sùràn. Tɛ yìèn tɛ dɛ máɲá ga bwələ.

*Zwan jònì Kərisə lià púlé barpe tɛ nè wulə  
Azi nè  
(Apokalisè 5.8-13; Matìə 24.30-31)*

<sup>4</sup> À mù Zwan nè púpúní à pɪn á mù, \*Kərisə lià púlé barpe tɛ nè, tɛ nè wulə Azi nagwanaa wá.

Yu nè wá fwa pubwanɔ á yira, ɔ ga pa aba bɪcan sié. Ʋ mù nè yi liù tɛ, ɔ nè yɪn lá fuən fuən, ɔ nè wulə, ɔ ga tɛ biàn. Ʋ \*Siɲən barpe\*, tɛ nè wulə ɔ padaɔ tɛ yáá con, nè wá fwa pubwanɔ á yira, kɔ ga pa aba bɪcan sié dɛ.

---

\* **1:4** 1.4 Kɔ yi Yu-Sɪɲu nəɔɔ tɛ dɛ kɔ diàn barpe.

<sup>5</sup> Zwezi-Kërisə də wá fwa pubwanv á yura, v ga pa aba bican sié. U mù nè yì liù tə, v nè swìn Yü cígá tə v biri də pùé nəd. U mù nè yì təntən liù, v nè nan, v mù ga nè dí yáá v bwin v nan tian wa. U mù dàń nè yì tia yuu pèegá me yuu tíú. Zwezi-Kërisə swə nəba, yá v tıga, v jana ga nan, v ma jon nəba nè cuna wa. <sup>6</sup> U dàń tə pın, nə twá nè yì Yü pàrì tə lià. U tə pın nè jì Yü \*jonwana, sə nə tın nè pa v nyina Yü nè. Dun də diàn me, sə tə ya v mù Zwezi-Kërisə nyien, máná də máná, kv nè ba zwèe. Amına!

<sup>7</sup> Á cuga zəni, v nan bakwan tə wa, v ma biàn. Ləzwənə mama wá na wá də ba tə tətə ba nè zuə wá ba pórı́. Yá dwíé tə mama tia yuu wá kwi yinəgə kurə v yırı. Kv yì cígá nə! Amına!

<sup>8</sup> \*Yuu-Tiu Yü nè swìn, v wú: «Á yì Aləfa də Omega, kv mù nè yì təntən də talıkwə liù. Á mù nè yì liù tə, v nè yın lá fuən fuən, v nè wulə, v ga biàn. Á mù nè wulə tə me yuu wa».

*Zwezi-Kërisə pın, Zwan na wá v dun tə wa*

<sup>9</sup> Á mù Zwan yì á nubiu \*Kërisə yırı, à də ga dé càn zənzən də aba. Á mù də aba yì Yü pàrì tə lià. Á mù də à mù twá də Zwezi, nə na pínú wuuu, nə dàná ká pıí nè kə nè kwa. Á mù yì ba jin nè, ba ja va, ba đugv Patəmɔsə nè muv tətənjı wa, à nè swìn Yü sugv tə, Zwezi-Kërisə nè biri nè tə yırı. <sup>10</sup> \*Yuu-Tiu dıun‡ tə nè, Yü-\*Sıju tə twi, kv sú nè, à ga nı kori don à kwa, kv nè swìn də diàn, ndə nabwana kori nè, <sup>11</sup> kv swìn, kv

† **1:7** 1.7 Ywán Zwan 19.17-37. ‡ **1:10** 1.10 Kv dıun təntə yì laadi dıun tə.

wú: «Ku tē, n nē na, púpúní ku, n kē sagi wa, n ga tūn ku, n pa, ku va Kērisē lià púlé barpe tē wa. Kērisē lià púlé barpe tēntē wulē: Efezē, dē Sēmīrēnē, dē Pērēgamē, dē Tiatirē, dē Sarēdē, dē Filadelōfi, dē Lawodise tian tē wa».

<sup>12</sup> À pīi à vōvōri, sē à lwarī liù tē, v nē swīn à con. À nē vōvōri à zwēē, à nī sían canzulan barpe tē zīga. <sup>13</sup> Yá won dān zīga tē canzulan tēntē tētēji wa, ku nē yīn ndē lēzwēnē nē. U yà zva ganzudarv, ku cú ku ja v napīra nē, v ga vwē sían voru v nyōnī nē. <sup>14</sup> U yukōran yà yī nēpon ndē gumuē nē, parī tētētē. U yíá yà yī ndē mēnvoo nē. <sup>15</sup> U nēē yà yī ndē cūtia lugu nē, ku nē sīàn, ku nan mēn wa. Yá v kori dē yà yī ndē níá nē dáá, tē ga curī nē. <sup>16</sup> U yà jē kacīlaccē barpe v jīzēn jūn tē wa. Lagōrī sīú, ku nē jē níó bēlē fūla fūla, yà nanja v nīi wa. U yáá yà yī ndē yī nē bīga, yīcav ga twēnjē yíá wa nētū.

<sup>17</sup> À nē nī wá, à tua v nēē nē ndē à tīga. U ma tūn v jīzēn jūn tē à yuu wa, v ga swīn, v wú: «Dān ká pa fēn ja mú! À mù nē yī tēntēn dē talūkwa liù, <sup>18</sup> à yī liù tē, v nē wulē mīi wa. Á cūga zēnī, à yà tīga, yá à dān pīi à bwīn, à wulē mīi wa, mánjá dē mánjá, ku nē ba zwēē. À jē tian dē tīga bwálí mimīi mē borbīa à jīàn wa». <sup>19</sup> N dān púpúní yīēn tē, n nē nī n tūn. Ku mù nē yī ku tē, ku nē wulē ku tūja sīún nē, dē ku tē nē wá bà, ku tūn mē, n tūn. <sup>20</sup> À wá bīrī mú yosēgu tē, ku nē wulē kacīlaccē barpe tē, n nē nī dē, à jē à jīzēn jūn wa dē sían canzulan barpe tē yuu

wa. Kacılacε barpe tε bırı \*malıke§, tε nε pıà tε bırı Kεrisε lià púló barpe malıke tε. Yá canzılan barpe tε dε yı Kεrisε lià púló barpe tε nε ku bırı.

## 2

*Sagı tε, kv nε mε, sε kv pa Efεzε Kεrisε lià púlı tε nε*

*(Tıtınan 20.17, 28-31; Efεzε tıán 1.15-16; 5.2; Ebεrε-ba 6.10-12)*

<sup>1</sup> Liù tε kúò swın à con, υ wú: «Púpúnı, n pa \*malıka tε nε, ka nε pıà ka bırı Efεzε \*Kεrisε lià púlı tε.

Púpúnı dε, sugυ kv tε yı liù tε, υ nε jε kacılacε barpe tε υ jızın jıın wa, υ ga vėli sıán canzılan barpe tε tətəñı wa, nε swın ku:

<sup>2</sup> À yèó á tutıncε nε yı nεtv. À ma yèó á kajaņa nε yı nεtv. À tε ga yèó, á nε jε pínú wuu, kv pa á wà pıı á kε á kwa nεtv. À yèó dε á wàrı wılnyına á pínı. Á dédón lià tε, ba nε wú, ba yı Zwezi-Kεrisε \*tıntına, yá ba ga tà kv, á na dε, ba yı kunkına. <sup>3</sup> Á jın pínú wuu, kv pa á wà pıı, á kε á kwa. Á dí càn à yırı, yá á jıın ga wà gwàrı. <sup>4</sup> Yá kv tε, à dãn nε caga á nii nε kv yırı sıún nε, kv mù nε yı á nε kúò ba nε swε ndε kv nε yın nεtv kv jııv nε.

<sup>5</sup> Á pıřé á líı á tıàn dε, á yà fwa zəni jııv mama, yá á pıı á kε á kwa. Á dãn vėvərə á kwa, á ma sá á cına tε, sε á ga fwa kv tε, á yà nε fwa kv jııv mama. Á nε wà lwàń, à wá bà á con, à

---

§ 1:20 Dε ba nε wú malıka, kv yı Kεrisε lià púlı tε mama yoo, kv swın.

li á cànú tē kv bwálí tē wa. <sup>6</sup> Yá yozəŋu tē, á nē wulə kv wa, nē yí, á nē culi Nikolayitə-ba tətəŋε tē, ndə à dē nē culi tē nətə.

<sup>7</sup> Liù mama dān mε, sē v kē diàn, v sūrí v zian, sē v ma cəgv kv tē, Yí-\*Siŋu tē nē swìn Kərisə lià púlí tē con. Liù tē nē, v nē wá dé diàn lwaní yuu wa, v zv Yí sàh tē wa, à wá pa v dé tìú bia tē, tē nē pín mi.»

*Sagí tē, kv nē mε sē kv pa Səmirənə Kərisə lià púlí tē nē*

*(Matíə 5.10-12; Zwakə 1.12)*

<sup>8</sup> Liù tē kúv swìn à con, v wó: «Púpúní, n pa \*malika tē nē, ka nē pià ka bırı Səmirənə Kərisə lià púlí tē yuu.

Púpúní dē, svgv kv tē yí liù tē, v nē yí təntən dē talukwa liù nē swìn kv. U mù nē yí liù tē, v nē tɪga, yá v dān pií v bwin, v wulə mi wa».

<sup>9</sup> U swìn, v wó:

«À yèé á càn zənzən tē dē á zvri tē yoo. Yá á ga yí lià tē, á nē yí jɪjə tiàn Yí yáá con. À yèé lià tē nē swìn dē ba yí \*Zwifə-ba dwíí, yá ba ga tà Zwifə-ba tē, tɪjaŋa tē yoo. Ba mù lià təntə yí \*Sítana kwa lià. <sup>10</sup> Á wá na càn, yá á nē dānà ká pa fən ja aba. Á cəga zəni, Sítana wá pa, ba kē á wa lià duən bán diè wa, sē á dé càn, sē v ma na kv tē, á nē yí. Á wá na diàn fugə wəwalv. Á dān yana pùé nədə tiàn, kv ja vəli á tiàn, á wá na mi tē, kv nē ba zwèe.

<sup>11</sup> Liù mama dān mε, sē v kē diàn, v sūrí v zian, sē v ma cəgv kv tē, Yí-Siŋu tē nē swìn Kərisə lià púlí tē con.

Liù tē nē, ɔ nē wá dé diàn lwanɪ yuu wa, nēɛ bēlə nii tian tē bá yí wá».

*Sagi tē, kv nē mē, sē kv pa Perəgamə Kərisē lià púlí tē nē*

*(Zwidə 3-4, 11)*

<sup>12</sup> Liù tē kùɔ swìn à con, ɔ wú: «Púrúní, n pa \*malıka tē nē, ka nē pià ka biri Perəgamə Kərisē lià púlí tē yuu.

Púrúní də, sɔgv kv tē yɪ liù tē, ɔ nē jə lagɔrı sùú, kv nē jə níé bēlə fula fula, nē swìn kv, ɔ wú:

<sup>13</sup> «À yèé də tiv tē, á nē wulə kv wa, yɪ \*Sıtana patıv. Bēɛ don yà wulə, ba nē boŋə Antipasə. Ʈ yɪ liù tē, ɔ nē swìn à yoo ɔ biri də pùé nəɔv. Ba jın wá, ba gv á tətəŋi wa Sıtana patıv təntə wa. Máná tē kv nē tɔn, kv tē wà pa, á piì á kə á kwa. Á tē vwə á tìàn à nē zəni zəni, kv máná təntə wa. <sup>14</sup> Yá də kv mē, kv tē à dān nē caga á nii nē, kv yɪrı síún nē, kv mù nē yɪ á lià tē, ba nē wulə Balamə kàrà cwəŋə tē wa. Balamə yà kwè Balakə fuən fuən, sē ɔ pa \*Yızerayelə lià tē dé woŋwanan nəná, sē ɔ pa, ba pèñ duən vεε vεε, sē kv kə ba cuna wa.

<sup>15</sup> Lià duən də tē wulə á con, ba də nē wulə Nikolayitə kàrà cwəŋə tē wa, kv nē yɪ ndə tē yìèn təntə nē. <sup>16</sup> Á dān vəvərə á kwa, á ma sá á cuna tē. Kv nē tà kv mù, à wá bà á con lala, à ga wá ta lià təntə də lagɔrı sùú tē, nē naná à nii wa.

<sup>17</sup> Liù mama dān mē, sē ɔ kə diàn, ɔ sùrí ɔ zıan, ɔ ma cɔgv yoo tē, Yı-Sıju tē nē swìn Kərisē lià púlé tē con nē. Liù tē, ɔ nē wá dé diàn lwanɪ yuu wa, à wá pa wá wodiu tē, kv nē

sègè, ba nè boḡè «manè». À wá pa wá kapan nèpon, yiri nədun nè púpúní ku yuu wa. Liù mama yèrì ku yiri tē dē ku nè tà liù tē cici nè, ba nè pin ku.»»

*Sagi tē, ku nè me, sē ku pa Tiatiṛē Kērisē lià púlí tē nè*

*(1 Tesalonikē tián 1.2-3; Tútunan 15.28-29; 1 Korēntē tián 10.8, 19-22)*

<sup>18</sup> Liù tē kù swìn à con, v wú: «Púpúní, n pa \*malika tē nè, ka nè pià ka biri Tiatiṛē \*Kērisē lià púlí tē. Nèñ ku tē Yı-Biu tē v yía nè yi ndē mēnvoò nè, v nē ga yi ndē cııta lugu nè, nè swìn:

<sup>19</sup> «À yèé á tütüne nè yi nētu. À yèé dē, á swē duən, yá á ga tē kēni á waa à nè. À yèé, á nè saḡa lià duən nè nētu. À yèé, á nè jē pínú wuu, ku nè pin, á ba pií á kēni á kwa nētu. À ga yèé dē síún nè, á tütunan tē dáá, tē doni á tēntē nyiən tē. <sup>20</sup> Yá à tē jē yoo, à nè wá caga á nii nè ku yiri síún nè. Ku yi kan tē, ba nè boḡē Zwezabelē, v nè kuni á con dē, v yi Yı nii susunkana tē yuu wa. Á yáá yá wá, á pa v kàrì à tütunbia tē, v ma gıgarı ba, v pin, ba pēni duən vē vē dē v pin, ba dé woḡwanan nāḡá. <sup>21</sup> À pin máḡá ku mù kan tēntē nè, sē v vēvəri v kwa, v ma sá v cuna tē. Yá v vıga ku nētu tē, v ga pià, sē v tē pēni dē lià vē vē, v ja ya lá. <sup>22</sup> Á cuga zēni, ku mù nè pin, à wá pa v tu yayıḡu, v pēñ tia, v dé càn zēnzēn. À wá kē ba tē dē, ba nè tuḡa bacwan tē, dē wá càn zēnzēn wa, dē ba nè wà ba tián lı yokukwınan



tə wa, ba ga vɪ v tʊtʊnɛɛ tə. <sup>23</sup> À wá gv v lià tə də mama, ba nə wulə v tʊtʊnɛɛ tə wa. \*Kərisə lià púlé tə mama dān wá lwarɪ də, à mù yɪ liù tə, à nə yə́ə ləzoni pubɔŋɪ, də kv tə nə wulə ba waa con. Yá à ga wá ŋwín kv tə nə mɛ də á liù mama tʊtʊŋɪ, à pa wá. <sup>24</sup> Yá á mù lià tə duən tə, á nə wulə Tɪatirə Kərisə lià púlí tə wa, á nə wá kārà kʊkwɪvɔn təntə nə twá, á mù wá pià, sə á yəni kv tə ba nə boŋə \*Sɪtana yosəgən tə dèń. À dān swìn á con də à ba yoo don jə, à swìn á con, sə á tʊn. <sup>25</sup> Á dān nə jana kv tə, á nə jə kv yɪra zəni, kv ja vələ máná tə, à nə wá bà.

<sup>26</sup> Liù tə, v nə wá dé diàn lwanɪ yuu wa, v nə wá tʊn à tʊtʊnan tə, kv ja va kv yí lʊv zaŋv də v wá yá, à wá pa, v dé diàn lʊv dwíé tə mama yuu wa. <sup>27</sup> V wá dé pàrì ba yuu wa də diàn. V wá cùgù ba, ndə ba nə lwe tɪran nəkəni nətv. Mə nətv nə, à nyɪna Yɪ pɪn diàn təntə à tətə nə. <sup>28</sup> Yá à wá pa jɪjv fuən fuən kacɪlacɔ tə, nə yáá pén tə, kv tíú nə.

<sup>29</sup> Liù mama dān mɛ, sə v kə diàn, v súrí v zɪan, v ma cʊgv kv tə, Yɪ-\*Sɪŋu tə nə swìn Kərisə lià púlé tə con.»

### 3

*Sagɪ tə, kv nə mɛ, sə kv pa Sarədə Kərisə lià púlí tə nə*

*(Zwakə 2.14; Matíə 7.21-23; 24.42-51)*

<sup>1</sup> Liù tə kúbù swìn à con, v wó: «Púpúní, n pa \*malɪka tə nə, ka nə pià ka bɪrɪ Sarədə \*Kərisə lià púlí tə yuu.

Púpóní də, sɔɡv kv tə ɣi liù tə, v nə jə \*Sinən\*  
barpe tə də kacılacə barpe tə v juɪn wa, nə swìn  
kv v wó:

«Á yèó, á tutúnεε nə ɣi nətv. Á ɣiri nan kv  
pa lià buɲa də, á ɣi lià tə, á nə wulə mi wa.  
Yá á ga ɣi lià tə, á nə ɣi ndə tɪga nə, ɣu yáá  
con. <sup>2</sup> Á zàɲá dwian nə, á ga dàn lià tə ɣiganu  
tə duən jìàn, ba də nə yà wulə ba tɪ, à nə nu  
á tutúnεε tə, tə nə wà mε à nyina ɣu yáá con  
ɣiri. <sup>3</sup> Á pùí á líí á tiàn nətv tə, á nə nì ɣu sɔɡv  
tə, á ga cɔɡv kv. Á jana kv á bɪcan wa, sə á  
ga vəvəri á kwa, á ma sá á cuna tə. Á nə wà  
dwian nə zàn, à wá bà, à dì á yuu ndə ɲwìàn  
nə. Á bá yəni máná tə, à nə wá bà. <sup>4</sup> Yá á lià  
duən tə wulə Sarədə wa, ba nə wà sèe, ba zu  
durən wa. À wá pa ganpwənə lià təntə nə ba  
zu, ba ga wá va də nə ba nə mε də kv nətv tə  
ɣiri.

<sup>5</sup> Mə lià tə mama, ba nə wá dé dìàn tə lwanu  
yuu wa tə, wá zu ganpwənə nətv. À bá pupugu  
ba ɣira tə ɣu sàń mi sagu tə wa. Yá à dàn wá  
swìn ba yoo də ba ɣi à mù lià, à nyina ɣu də  
v malɪkə tə yáá con.

<sup>6</sup> Liù mama dán mε, sə v kə dìàn, v súrí  
v zian, v ma cɔɡv kv tə, ɣu-Sinju tə nə swìn  
Kərisə lià púlé tə con.»

*Sagu tə, kv nə mε, sə kv pa Filadələfi Kərisə  
lià púlí tə nə  
(2 Piyerə 2.9; 1.10-11)*

\* **3:1** 3.1 Kv ɣi ɣu-Sinju nədv tə də kv dìàn barpe.

<sup>7</sup> Liù tè kùd swìn à con, v wú: «Púpúní, n pa \*malika tè nè, ka nè pìà ka bırı Filadēlōfi \*Kērisē là púlí tè yuu.

Púpúní dē, sugv kv tè yi liù tè, v nè ba man don jē, v ga yi cígá tíú tè nè swìn kv.

U mù nè yi liù tè, v nè jē pìú \*Davidē mimii borhıa tè. U nè súrı, liù tēlō, v nè wàá v sunjē. U nè kùd sun, liù tēlō, v nè wàá v súrı».

<sup>8</sup> Liù tè kùd swìn à con, v wú:

«À yèé á tutunēē nè yi nētı. Á cvga zēni, à súrı cwējē à pa aba, liù ga tēlō, v nè wàá kv nè v cı. À yèé dē á dıàn ba dáá, yá á ga twá à sùràn tè nii nè, á wà swìn dē, á yèrì nè.

<sup>9</sup> Á nējē nētı tè, à nè wá fwa \*Sıtana kwa là tè, ba nè wú, ba yi \*Zwifē-ba dwıı yá kv ga yi kunkun ba kını. Á cvga zēni, à wá kálú ba là tētē, à pa ba bà, ba tv ba nadwana yuu á yáá con, sē ba ma lwarı dē à swē aba. <sup>10</sup> Á mù sēē à sugv zēni zēni, á jın pínú wuuu, á ga wà píı á kē á kwa. Kv mù yırı nè, à dē wá cı á nè, májá tè wa, yìèn nè wá bà, tè wowalı aba tıa ka tè yuu wa. Cígá, yìèn wá bà tıa yuu lēzoni tè mama yuu wa, sē tè pa ba lwarı kv tè, liù mama nè yi. <sup>11</sup> À wá bà lala. Á jana kv tè, á nè jē kv nè, zēni zēni, sē liù mama dān ká wānı, v jon á zılē won tè, Yu nè wá pa aba.

<sup>12</sup> À wá pa liù tè, v nè wá dí dıàn lwanı yuu wa, jı ndē diē tētējı banıa nè à nyına Yu diē tè wa, yá v kùd bá nan abada. À wá púpúnı à nyına Yu yırı tè dē v tıv nēfarıv tè yırı, à tún v yuu wa. Kv tıv tè nè yi \*Zwerizalemē nēdın

tə, Yıı nə wá pa, ku nan v sàń nə, ku cú. À wá púpúní à yırı nədun tə də ku mù lià təntə yuu wá.

<sup>13</sup> Liù mama dǎń mə, sə v kə diàn, v súrı v zıan, sə v ma cugv ku tə, Yıı-\*Sııu tə nə swın Kərisə lià púlé tə con nə».

*Sagi tə, ku nə mə, sə ku pa Lawodise Kərisə lià púlı tə nə*

*(Likə 14.34-35)*

<sup>14</sup> Liù tə kúv swın à con, v wú: «Púpúnı, n pa \*malıka tə nə, ka nə pıà ka bııı Lawodise \*Kərisə lià púlı tə yuu.

Liù tə, v yırı nə yı «Amıına», tə nə swın. U mù nə yı liù tə, v nə swın à yoo v bııı də pùè nəd, v ga yı cígá tíú. Wiən tə də mama, Yıı nə fwa, yı tə nan v mù con.

<sup>15</sup> U swın, v wú:

«À yèè á tutunεε nə yı nət. À yèè də, á ba lııa, Yıı cwəııə tə wa, á ma ba zurə də. Á yà mə, á nə tà ku tə, sə á ya ku don. <sup>16</sup> Yá á dǎń nə yı ndə níá nə yı pwala pwala, á ba lııa, á ma ba zurə tə yırı, à wá tunı aba à lı à nii wa.

<sup>17</sup> Á swın də á yı jııə tíán tə, á nə jə wiən tə mama, tə nə mə də aba, á pa á tíán nə, á ga kúv bá won mama pıà. Yá á dǎń ga yèrı də, Yıı yáá con, á yı basarunyına, á yı yınəııənyına, á yı zıra, á yı ndə lilırən nə, á ga yı ndə wala nə, á ba gǎnù jə. <sup>18</sup> Ku mù yırı, à dǎń kwè aba, sə á yè à con síán tə, tə nə twá mən wa, tə pıııv tə nan, sə á ma jı cígá cígá jııə tíán. Á yè ganpwənə də à con, á ma pú á yııra tə nə, sə cavııa kúv dǎń ká ja aba, á nə yı wala tə yırı.

Á yè yíá tania də à con, á kə á yíá tə wa, sə á wàní á na lá zəni. <sup>19</sup> Lià tə mama, à mù nə swə, mə ba mù nə à yáá caga ba nii nə, à ga firı ba. Á vəvərə á kwa, á ma sá á cuna tə, á ga ja yawala. <sup>20</sup> Á nəŋə, à zıga mimii nə, à ga mà ku nə. Liù tə, ʋ nə nì à kori, ʋ ga sùrí mimii tə, à wá zʋ ku tíú con, à dé də wá, yá ku tíú də wá dé də nə.

<sup>21</sup> À wá pa liù tə, ʋ nə wá dé diàn lwanı yuu wa, jəń à yıra, à padaʋ tə yuu, ndə à də nə dí diàn lwanı yuu wa, yá à ga jəé à nyına Yı yıra, ʋ padaʋ tə yuu nətu tə.

<sup>22</sup> Liù mama dāń mə, sə ʋ kə diàn, ʋ sùrí ʋ zıan, ʋ ma cugʋ ku tə, Yı-\*Siŋu tə nə swın Kərisə lià púlé tə con nə.»

## 4

### *Yı padaʋ tə də nəkwına sapva də bania tə yoo*

<sup>1</sup> Ku kwa nə, à mù Zwan kúvə ywāń. Nəń à nı mimii, ku nə sùrí Yı sàń nə. Á kúvə nì təntən kori tə, ku nə dí yáá, ku swın à con, ku ga yı, ndə nabwana kori nə tə. Ku swın à con, ku wú: «Dì yəbə, sə à bırı mú yoo tə, ku nə biàn, sə ku tən ku kwa nə».

<sup>2</sup> Yı-\*Siŋu tə zəzən ku bà, ku sú nə. Nəń à dāń nı padaʋ, ku tégə Yı sàń tə wa. Yá liù yà jəé ku padaʋ təntə yuu. <sup>3</sup> Liù tə, ʋ yà nə jəé ku yuu, yà pıpıli, ndə kapan yiri don də nə, ku nə tıŋə mən, ba nə ma boŋə <zwasəpə>, ʋ ga tə pıpıli ndə kapan yiri don də nə, ba nə boŋə <sarəduanə>. Padaʋ tə yı ku kıkarı də dwà sùú, ku nə yı ndə

kapan don nə, ku də nə tũ̀jè mən, ba nə ma boŋə «emerodə». <sup>4</sup> Padεε sapua də bania kıkari ku mù padav təntə. Yá \*nəkwına sapua də bania dān jèé tə yuu wa. Ba zva ganan nəpwənə. Ba ga pú síán dun yupurən ba yun nə.

<sup>5</sup> Yá dwà baa, ka pıplı, kwərə duən də dān yà naŋa padav tə con. Yá mənvoov barpe tə nə suru, yà wulə tə pıplı padav tə yáá con. Mə tə mù mənvoov təntə, nə yı Yıı-Sıju tə də ku dı̀n dəkurən barpe tə.

<sup>6</sup> Padav tə yáá con, ku yı ndə munaə nə tégé lá nə, ku nə ga tuŋə mən ndə zəŋə nə. Wiən bania yà kıkari padav tə, tə kə tətəŋı wa. Tə wiən təntə yáá də tə kwa mama yà yı yía cıı.

<sup>7</sup> Təntən won tə yı ndə gəru nə. Bələ nii won tə yı ndə nabiə nə. Batwa nii won tə yáá yı ndə ləzwənə yáá nə. Bania nii won tə yı ndə zunpuu nə, ku nə pəri yı nə. <sup>8</sup> Tə wiən bania tə, nəduv mama jə vānà bardu, tə nə wáá tə pəri. Yá tə ga jə yía, tə nə kıkari tə mama, yía duən ga tə wulə vānà tə dēn də. Tıtın də yıcau, tə wiən bania tə mù yı tə swın máŋá mama, tə wú: «Yıı dwə won mama! Yıı dwə won mama! Yıı dwə won mama! \*Yuu-Tıu Yıı nə jə dı̀n tə mama yuu wa. U mù nə yın lá fuən fuən, v nə wulə, v tə ga wá bı̀n».

<sup>9</sup> Mə nətv nə wiən təntə dān pın dun, liù tə nə, v nə jèé padav tə yuu wa də tə zılı v nii də tə kəni v lèéé. U mù nə yı liù tə, v nə wulə mıı wa, máŋá də máŋá, ku nə ba zwèé. <sup>10</sup> Máŋá mama, wiən tə nə fwa nətv, nəkwına sapua də bania tə də yáá tv ba nadwana yuu liù tə yáá con, v nə

jèé padau tē yuu wa, ba ga pɪn wá dun. U m̀ nē yɪ liù tē, v nē wulə mɪ wa, máná dē máná, kɪ nē ba zwèe. Ba dān yáá lɪ ba dun yupurən, ba t́n padau tē yáá nē, ba ga sẁn, ba ẃ:

<sup>11</sup> «Nē \*Yuu-Tiu Yɪ, n yɪ liù tē, n nē mɛ, sē nē pa mú dun, sē nē zilí mú.

Dìàn tē mama wulə n con, n nē fwa wiən tē mama yɪɪ. Yá kɪ yɪ kɪ twá n tətə fɪra nē, n ma fwa tē, n pa tē wulə».

## 5

*Zwezi-Kərisə wáá sagɪ tē nii v lwàrì*

*(Romə t́án 11.33-34; Filipə t́án 2.5-11; Apokalisë 1.5-6; 7.9-12)*

<sup>1</sup> Kɪ kwa nē, à nɪ liù tē, v nē jèé padau tē yuu wa, dē v jē sagɪ v jɪzən jɪn wa. Sagɪ tē yáá bələ tē mama yà púpúní, ba ga pípírí kɪ, ba kē duən nē. Kɪ nii yà marɪ bwáá barpe dē mɔɔ tanponan barpe. <sup>2</sup> Yá à dān nɪ \*malɪka, ka nē jē dìàn dē ka baa, ka kəni yɪ nē, ka sẁn, ka ẃ: «Wàà nē wulə, v nē mɛ, sē v lwàrì kɪ mɔɔ tanponan barpe tē, sē v śrì sagɪ kɪ tē?» <sup>3</sup> Yá liù mama dān t̀lél, v nē nan Yɪ sàń, nē à yèé tɪa yuu, nē à yèé tɪga bwáá nē, kɪ tíú nē mɛ, sē v śrì sagɪ tē, v ywàń kɪ wa. <sup>4</sup> Yá à dān kwi zənzən, liù nē t̀lél, v nē mɛ, sē v śrì kɪ, v ywàń kɪ wa tē yɪɪ. <sup>5</sup> \*Nəkwɪa tē don dān ma sẁn à con, v ẃ: «Dàn ká kwi! Nèń p̀ú \*Davidə nàú tē, \*Zwida dwíí dəkúu tē wa, yɪ ndə gəru nē, v nē dí dìàn, won mama yuu wa. U wá lwàrì sagɪ tē turan mɔɔ tē dē kɪ tanponan barpe tē, v ga śrì kɪ».

6 Ku kwa nè, à nɪ liù dè v zɪga padau tɛ, dè wiən\* banɪa tɛ dè nèkwɪna sapua dè banɪa tɛ tətəŋi wa. Ka yà yɪ \*pabiə nè, ba nè ken sùú ka bɪan nè. Ka yà jə nyɔran barpe dè yíá barpe. Yíá barpe tɛ nè yɪ \*Siŋən† dè barpe tɛ, Yɪ nè tɔn tɪa tɛ mama yuu wa. 7 U mù liù tɛntə twi, v jon sagɪ tɛ, ku nè wulə liù tɛ, v nè jèé padau tɛ yuu, jɪzan jɪn wa. 8 Máná tɛ wa, v nè jon ku sagɪ tɛntə, wiən banɪa tɛ, dè nèkwɪna sapua dè banɪa tɛ tɔa ba nadwana yuu, v yáá con. Ba liù mama yà jə kunkolu dè síán wùrú zɔŋɪ tɛ nè sùé dè tɪralɪ, sɛ ba sɔrv tɛ. Tɛ mù nè bɪrɪ là tɛ, ba nè yɪ Yɪ nè tɪ, yɪjɔn tɛ. 9 Ba dàŋ wulə ba nuŋə nundɔn, ba wú:

«N yɪ liù tɛ, n nè mɛ, sɛ n tɪ sagɪ tɛ, n lwàrɪ ku tɔran mɔɔ tɛ dè ku tanpɔnan barpe tɛ, n nè yɪ ba ken sùú n bɪan nè, sɛ ku twá n jana tɛ nè, n ma yè là n jon, n pa Yɪ nè tɛ yɪrɪ. N yè dwíé dəkurən yiri mama là, dè nɛndəli yiri mama là, dè lɔv nii mama là, dè lɔv dwíé tɛ mama wa n jon ba cɔna wa, n pa Yɪ nè. 10 N tɛ pɪn ba jɪ n pàrɪ tɛ wa là. N tɛ pɪn ba jɪ Yɪ \*jɔŋwana, sɛ ba tɔn, ba pa nè Yɪ tɛ nè, yá ba ga wá dé pàrɪ tɪa yuu wa».

11 À kúú ywàń, à ga na malɪkɛ nè dáá zɛnzɛn, à ga nì tɛ kwərə. Tɛ yà yɪ tɛ kɪkarɪ padau tɛ, dè wiən banɪa tɛ, dè nèkwɪna sapua dè banɪa tɛ. Tɛ yà yɪ miliyɔn dè miliyɔn dè mùrù dè mùrù. 12 Tɛ baa tɛ kə yɪ nè, tɛ swɪn, tɛ wú:

\* 5:6 5.6 Ku yɪ ləzwəne. † 5:6 5.6 Ku yɪ Yɪ-Siŋu nəɔv tɛ dè ku diàn barpe.



«Pabiè, ba nè ken sù ka bian nè, tɛ mɛ, sɛ ka na  
pàrì, dɛ jɔjɔ, dɛ wubɔɔɔ, dɛ diàn, dɛ zilé,  
dɛ dun, dɛ bɔrà».

<sup>13</sup> Yá à dàń nì dɛ wiɛn tɛ mama, Yɪ nè fwa, tɛ  
nɛ wulɛ Yɪ sàń, dɛ tɪa yuu, dɛ tɪga bwálí nè, dɛ  
mɔv wa swìn, tɛ wú:

«Bɔrà, dɛ zilé, dɛ dun, dɛ pàrì wulɛ, máná dɛ  
máná, kɔ nè ba zwèe, tɛ pa liù tɛ, v nè jèè  
padau tɛ yuu dɛ liù tɛ, v nè yɪ ndɛ pabiè  
tɛ nè».

<sup>14</sup> Yá wiɛn banɪa tɛ dàń swìn, tɛ wú:  
«Amɪna!»

Yá nèkwɪna tɛ dɛ dàń tɪa ba nadwana yuu, ba  
dɛ wulɛ ba pɪn ba dun Yɪ nè.

## 6

*Tɛntɛn mɔɔ tanɔɔnan tɛ, ka lwàrì yoo  
(Matìɛ 24.6-8; Likè 18.7-8; Apokalisè 7.13-14)*

<sup>1</sup> À ywàń, à na liù tɛ, v nè yɪ ndɛ \*pabiè nè dɛ  
v lwàrì sagɪ tɛ tɛntɛn mɔɔ tanɔɔn tɛ. Kɔ máná  
tɛ wa, à nì dɛ wiɛn banɪa tɛ wa won don swìn  
dɛ kori, kɔ nè dáá, ndɛ dwà nè baa nè, kɔ wú:  
«Bàá yɛbè!» <sup>2</sup> À kùv ywàń, dɛ nèń sɪsan nèpon.  
Liù tɛ, v nè diğà ka yuu, yà jɛ tɪan. Ba pɪn wá  
dun yupuu, yá v dàń nan dɛ barɪ, sɛ v ta v dá.

<sup>3</sup> Kɔ kwa nè, liù tɛ, v nè yɪ ndɛ pabiè nè tɛ,  
kùv lwàrì bɛlɛ nii mɔɔ tanɔɔn tɛ. Yá à kùv nì  
dɛ wiɛn banɪa tɛ wa bɛlɛ nii nyiɛn tɛ dɛ kùv  
swìn, kɔ wú: «Bàá yɛbè!» <sup>4</sup> Yá sɪsan don, kɔ nè  
yɪ nèsiɪn, ndɛ mɛn nè, twi kɔ nan. Liù tɛ, v nè  
diğà kɔ yuu tɛ, nɪ cwɛɔɔ, sɛ v pa sié dɛn ká ya  
tɪa yuu wa, sɛ lɛzoni kɛ sián duɛn bian nè. Yá  
ba dàń pɪn wá lagɔrɪ sù nèfarv.

<sup>5</sup> Ku kwa nə, liù tə, ɒ nə yɪ ndə pabiə nə tə, kùb lɔwàrì batwa nii mɔɔ tanpɔn tə. À kùb nì də wiən banɪa tə wa batwa nii nyiən tə də kùb swìn, ku wú: «Bàá yəbə!» À ywàń də nəń, sɪsan nəzonu ka twi ka nan. Liù tə, ɒ nə dɪgà ku yuu, yà jə səkəri ɒ juun wa. <sup>6</sup> Yá à nì sɔgɔ ndə kori nə, ku nə nan wiən banɪa tə tətəŋi wa, ku wú: «Mɪna zɔŋa yɪ cɪnɪa səbikɔlɔ\* nədu. Yá mɪna yiri don zɔŋɪ batwa yɪ səbikɔlɔ nədu. Dàn ká sùrí nɔga tə də swana tə mù səbiu!»

<sup>7</sup> Ku kwa nə, liù tə, ɒ nə yɪ ndə pabiə nə tə, kùb lɔwàrì banɪa nii mɔɔ tanpɔn tə. À kùb nì də wiən banɪa tə talɪkwa nyiən tə, swìn, ku wú: «Bàá yəbə!» <sup>8</sup> À ywàń də nəń sɪsan, ku nə yɪ ndə pɔpɔ́ nə. Liù tə, ɒ nə dɪgà ku yuu wa, yiri nə yɪ <ɪan>. Yá liù tə, ba nə boŋə <ɪiga bwálɔ> yà nə kwen wá. Ba yà nɪ dɪàn, sə ba gɔ tɪa ka tə ləzoni pɔwù banɪa vàn nədu. Ba jə dɪàn, sə ba pa ləzoni gɔ duən, də lagɔri sùú, də niən, də yayɪpwaran, də tɪa ka tə yuu wojankadirən gɔ lià.

<sup>9</sup> Ku kwa nə, pabiə tətə kùb lɔwàrì bonu nii mɔɔ tanpɔn tə. À kùb nɪ \*jɔŋi kùrí, yá lià jèrí dən tégə ku səpuni nə. Jèrí təntə yɪ lià tə, ba nə ken sùú ba bɪan nə, ba nə twá Yɪ sɔgɔ tə nə, ba ga swìn ku ba bɪri tə yiri. <sup>10</sup> Ba mà nii, ba kə yɪ nə, ba wú: «N yɪ nə \*Yuu-Tiu Yɪ tə, ɒ nə ba man don jə, ɒ ga yɪ cígá tíú. Máná kɔkaa wa nə, n wá bɪrì lià tə, ba nə gɔa nəba tɪa yuu wa bɪrà, sə n kə ba càn wa, ku yiri?» <sup>11</sup> Ba pɪn ganpon ba

\* **6:6** 6.6 Cɪnɪa səbikɔlɔ nədu yɪ yɪtɔri nədu tɔtɔŋi ŋwírán.

liù mama nè, yá ba ga swìn ba con, ba wú: «Á tē dānā mancin, á tē wà cé. Kū mē, sē ba tē gu á duēn tē, ba nē yi á nubia \*Kērisē yiri, dē ba tē ba nē yi á tutunduēn tē, ba sūrī á nē».

<sup>12</sup> Kū kwa nè, à kùò ywàń, pabiē nē tē kùò lwàrì bardu nii mōo tanpōn tē. Tia tē vivaga zēnzēn. Yicav tē jigē nēzonu ndē ganzonu nē. Cānā tē dē mama jigē nēstian ndē jana nē. <sup>13</sup> Yá kacilace nan yu, tē twi tia, ndē voo nēfaru nē vuvugv kapıru, kū bia ga twi nētv. <sup>14</sup> Lanworu tē pēpēni kū tiān, ndē ba nē pēpēni sara nētv. Yá pēēn tē mama dē tia tē mama, ka nē wulē tētēji wa, dāń zān tē yipēē nē. <sup>15</sup> Tia yuu pēēgá tē, dē lēzwēnfaran tē, dē pamana yun tiān tē, dē jūē tiān tē, dē luv ladıra tē, dē ywēŋē tē mama, dē lià tē nē ti ba tiān tē dēri, ba sēgē pēēn buran dē pìrān kwēlēn wa. <sup>16</sup> Yá ba dāń swìn pēēn tē dē pìrān tē con, ba wú: «Á twia nē yuu wa, sē á sēgē nēba, sē nē ya yūŋu, liù tē yáá nē, v nē jēē padav tē yuu. Á sēgē nēba, sē pabiē tē, dān ká cùgù nēba dē v lūŋa tē. <sup>17</sup> Kū yi cígá, ba lūŋa diun nēfaru tē twi, yá liù tēlō v dāń nē wá wāńí v jon v tiān?»

## 7

*Yu lià tē yoo*

*(Apokalisè 14.1-5; 21.3-4; Zwan 10.16; Romē tiān 11.25-26; Apokalisè 21.3-4)*

<sup>1</sup> Kū kwa nè, à ni \*malike bania dē tē ziga yu nē, tia tē sapara bania tē wa. Tē cìgà voo tē nē nanja sapara bania tē wa, sē kū dān ká fulu tia

tə, də muv tə, də tìú mama yuu wa. <sup>2</sup> Yá à tə kùb̀ nı malıka don, ka nan yı yipıan con, ka dı yı də ka jun wa, won, ba nə fwa mımınan, ku nə yı Yı tə, v nə wulə mıı wa, nyıən. Ka zın ka kori, ka kə yı nə, ka swın malıke banıa tə con, ba nə pın tə dıàn, sə tə cùg̀ tıa də muv tə, ka wú: <sup>3</sup> «Á tə dãnà ká cùg̀ tıa tə, də muv tə, də tıán tə. Á yá, sə nə dí yáá nə fwa mımınan, nə Yı tutınbıa tə t́ĺé nə». <sup>4</sup> Yá à dãǹ nı də ba swın là tə nıı, ba nə ken mımınan tə ba t́ĺé nə. Ba yı là mùr̀ b́ıı də mùr̀ sapwılə də mùr̀ banıa (144 000), yá ba mama ga yı \*Yızərayelə dwı́é tə wa ləzwənbıa.

<sup>5</sup> \*Zwıda dwı́ı dəkúu tə wa, yı là 12 000, ba mà tanpɔn tə ba t́ĺé nə.

Rıbən dwı́ı dəkúu tə wa, yı là 12 000.

Gadə dwı́ı dəkúu tə wa, yı là 12 000.

<sup>6</sup> Azerə dwı́ı dəkúu tə wa, yı là 12 000.

Nefətali dwı́ı dəkúu tə wa, yı là 12 000.

Manase dwı́ı dəkúu tə wa, yı là 12 000.

<sup>7</sup> Sımeyon dwı́ı dəkúu tə wa, yı là 12 000.

\*Levi dwı́ı dəkúu tə wa, yı là 12 000.

Yısakarə dwı́ı dəkúu tə wa, yı là 12 000.

<sup>8</sup> Zablın dwı́ı dəkúu tə wa, yı là 12 000.

Zwızeıə dwı́ı dəkúu tə wa, yı là 12 000.

Benzwamen dwı́ı dəkúu tə wa, yı là 12 000.

Ba là təntə mama yı, ba mà tanpɔn ba t́ĺé nə.

<sup>9</sup> Ku kwa nə, à tə ywàńá də nəǹ là kapııı, lıù nə wàrı ba nıı v gəlì. Ba yı lıı dwı́é tə mama wa, də dwı́é yırı mama là, də lıı nıı mama là, də nəndəlı yırı mama là. Ba yà yı ba zıga padav tə də lıù tə, v nə yı ndə \*pabıə nə tə, yáá con.

Ba yà zva ganpwənə, ba ga jə kùrì nɛɛ ba jìàn wa. <sup>10</sup> Yá ba dàń baa ba kə yɪ nə, ba swìn, ba wú:

«Kɔ yɪ Yɪ tə, ɔ nə jə́ padav tə yuu də pabiə tə, nə jon nəba nə cuna tə wa».

<sup>11</sup> Yá malike tə mama dàń zɪga, tə kɪkarɪ padav tə, də \*nəkwiɲa tə, də wiən banɪa tə. Malike tə tva tə yáá yuu padav tə yáá con, tə wulə tə pɪn dun Yɪ nə, <sup>12</sup> tə swìn, tə wú:

«Kɔ yɪ cígá! Nə \*Yuu-Tiu Yɪ nə mɛ, sə ba bu ɔ nə, ɔ mɛ, sə ɔ na b̀̀rà, də zìlé, də wɔbɔɲa, də l̀̀eɛɛ kənu, də dun, də p̀̀rì, də d̀̀àn. Ʋ mù nə mɛ də tə ỳ̀èn t̀̀ntə, mánjá də mánjá, kɔ nə ba zwèè. Kɔ yɪ cígá».

<sup>13</sup> Nəkwiɲa tə don dàń ma swìn à con, ɔ wú: «L̀̀à tə, ba nə zva ganpwənə tə, nə yɪ labərə? Ba yɪ ba nan ỳ̀èn?» <sup>14</sup> À mù Zwan ma le wá, à wú: «À Yuu-Tiu, n mù nə ỳ̀é kɔ swìn, nə bɪrɪ nə!» Ʋ dàń ma swìn à con, ɔ wú: «Kɔ yɪ l̀̀à tə, ba nə dí càn zənzən talɪkwa mánjá tə wa. Ba sɪn ba ganan pabiə tə jana wa, tə ga p̀̀rì.

<sup>15</sup> Mə kɔ mù nə pɪn, ba wulə Yɪ padav tə yáá con, ba pɪn wá dun yɪcav də tɪtɪn, ɔ \*d̀̀ìè tə wa. L̀̀ù tə, ɔ nə jə́ padav tə yuu, wá pú ba yuu nə. <sup>16-17</sup> Pabiə tə, ɔ nə wulə padav tə tətəɲi wa, wá ỳ̀rì ba, ɔ ga wá ja ba, ɔ ja va nabuliyɪa tə bwálí nə, tə níá nə pɪn mɪ. Kɔ mù nə pɪn, niən kú̀̀ b́́a ja ba, nanyɔnɪ də b́́a ja ba. Yɪcav kú̀̀ b́́a mà ba nə, lɪɲɪ də b́́a ý́ ba. Yá Yɪ wá mùrì ba yɪnɪa tə mama».

## 8

*Mɔɔ tanpɔn barpe nii nyiɛn tɛ ka lwàrì yoo  
(Apokalisë 5.8)*

<sup>1</sup> \*Pabiɛ nɛ tɛ kùv̀ lwàrì mɔɔ tanpɔn barpe nii nyiɛn tɛ. Kɔ máná tɛntɛ wa, kɔ ken siii Yɪ sàh nɛ, kɔ ja va ndɛ lugu nɛdɔ dɛ fan nɛ.

<sup>2</sup> Yá à dàh nɪ \*malɪkɛ barpe, tɛ nɛ zɪga Yɪ yáá con, yá ba dàh ga pa tɛ nabwanan barpe.

<sup>3</sup> Kɔ kwa nɛ, malɪka don dàh twì, ka zɪga \*jɔhɪ kùrì tɛ yɪra. Yá síán kurpotu, ba nɛ ma sɔrɪ tɪralɪ, ga wulɛ ka jɪun wa. Ba pɪn ka tɪralɪ zɛnzɛn, sɛ ka sɔrɔ tɛ, ka pa Yɪ nɛ. Ka mù ga nɛ wá tì là tɛ dɛ, ba nɛ yɪ Yɪ nɛ tɪ tɛ, yɪjɔnɪ tɛ dɛ ka pa Yɪ nɛ, kɔ mù síán jɔhɪ kùrì tɛ yuu, kɔ nɛ wulɛ padav tɛ yáá. <sup>4</sup> Tɪralɪ tɛ nywìh dɛ là tɛ, ba nɛ yɪ Yɪ nɛ tɪ yɪjɔnɪ, twá malɪka tɛ jɪun nɛ, tɛ dì Yɪ yáá con. <sup>5</sup> Malɪka tɛ tɪ tɪralɪ kurpotu tɛ, ka kɛ jɔhɪ kùrì tɛ mɛn, ka sú ka nii, ka dɪlɪ tɪa yuu wa. Kɔ nɛtɔ tɛ pɪn, dwà baa, ka pɪpɪlɪ, kwɛrɛ duɛn dɛ yɪn lá, tɪa tɛ dɛ ga vɪvaga.

*Tɛntɛn nabwanan banɪa tɛ wúrú yoo*

<sup>6</sup> \*Malɪkɛ barpe tɛ, tɛ nɛ jɛ nabwanan barpe tɛ, dàh ken tɛ sírì, sɛ tɛ wúrú tɛ. <sup>7</sup> Tɛntɛn malɪka tɛ wúrú ka nabwana tɛ. Dwà kafɪna dɛ mɛn tɛ nɛ gùlì dɛ jana nan, tɛ lwá tɪa yuu. Yá tɪa tɛ pwìú batwa vàn nɛdɔ tɛ don, dɛ tɪán tɛ, dɛ pwìú batwa vàn nɛdɔ, dɛ galɪ tɛ mama dí mɛn.

<sup>8</sup> Malɪka bɛlɛ nii nyiɛn tɛ dɛ wúrú nabwana tɛ. Ba dɪlɪ won don mɔnaa tɛ wa, kɔ nɛ yɪ ndɛ paan nɛfarɔ nɛ, kɔ mama nɛ kwé mɛn. Mɔv tɛ pwìú batwa vàn nɛdɔ jigɛ jana. <sup>9</sup> Wiɛn tɛ, Yɪ nɛ fwa, nɛ wulɛ mɔnaa wa, tɛ ga jɛ mɪ tɛ síì,

pwìú batwa vòn nèdu tìga. Níá yuu bwèrè tè dè  
pwìú batwa vòn nèdu cùgù.

<sup>10</sup> Malika batwa nii nyièn tè wúrú ka nabwana  
tè. Kacilacò nèfaru, ku nè kwen mènvoò, ndè  
malì mèn nè, nan lanworu tè wa, ku tu. Ku  
twa mùnεε nèfaran tè pwìú batwa vòn nèdu  
dè nabuliyà wa. <sup>11</sup> Kacilacò tèntè yiri nè yì  
«wocìcau». Níá tè pwìú batwa, vòn nèdu lwàn  
ku jì wocìcau. Yá níá tèntè dàñ jigè nacìcau. Ku  
mù nè pìn, tè gù lìa zènzèn, ba nè nyua tè.

<sup>12</sup> Malika bania nii nyièn tè wúrú ka nabwana  
tè. Yìcau tè pwìú batwa, vòn nèdu jigè yikunu.  
Ku yoo tè tun càná tè yira, ku ga tun kacilacè tè  
dè yira. Ku nètù dàñ pìn, tè nèdu mama pwìú  
batwa, vòn nèdu jigè nèzonu. Yá yituru pwìú  
batwa, vòn nèdu jigè yikunu. Titin dè pwìú  
batwa, vòn nèdu jigè yikunu.

<sup>13</sup> À kùú ywàn à na zunpuu, ku wulè yu nè ban  
ban, ku pèri. À nì dè ku baa ku kè yu nè, ku wú:  
«Máná tè, malike batwa tè duèn tè nè wá wúrú  
tè nabwanan batwa tè, lεε wá bà, lεε wá bà, lεε  
wá bà, tia yuu lèzoni yuu wa».

## 9

### *Bonu nii nabwana tè wúrú yoo (Apokalisë 16.10-11)*

<sup>1</sup>\*Malika bonu nii nyièn tè wúrú ka nabwana.  
À nì kacilacò, ku nan yu nè, ku tu tia. Ba pìn ku  
bùu tè, ku dèñ nè lù zènzèn tè borbiu. <sup>2</sup> Ku súrí  
bùu tèntè, nywìñ ga nan ku wa, tè dì yu nè. Tè  
nywìñ tè yì ndè mènvoò nèfaru nywìñ nè. Bùu  
tè nywìñ tè pìn, yìcau tè dè lanworu tè jì yikunu.

<sup>3</sup> Jørən nan nywìń tē wa, tē sú tia. Yá ba dāń pın tē cwan, ka nē yı ndē nı̄ja cwan nē. <sup>4</sup> Ba dāń ga swın tē con, tē dāń ká fwa lwanı tia yuu gau tē yıra, nē à yèé wolıv nēdv yıra, nē à yèé tıv nēdv yıra. Yá tē dāń nē wáá lwanı tē fwa lià tē yıra, ba nē ba Yı tē jē ba tēlé nē. <sup>5</sup> Ba wà tē diàn pın, sē tē gv lià tēntē, ba dāń nē pın tē cwə̄jə, sē tē kē ba càn wa, cànı bonu. Yá càn tēntē, tē nē wá kē ba nē, wá yà ndē nēn nē dı̄ja liù nētv. <sup>6</sup> Kú máńá tēntē wa, ləzoni wá pià tıan, yá ba ga bá na tē, abada. Ba wá pià, sē ba tı, tıan ga wá dəri, tē va yı̄jıvı, tē yá ba. <sup>7</sup> Tē jørən tēntē yı ndē sēsen nē, ba nē tanı, sē ba ja va kùv. Tē yun wa, wiən duən ya wulə lá, tē nē yı ndē sían yupurən nē, tē yēē ga yı ndē ləzoni yēē nē. <sup>8</sup> Tē yukoran tē yı ndē kana yukoran nē, yá tē yelə ga yı ndē gərən yelə nē. <sup>9</sup> Tē nyvna tē yı ndē pamana lugu gànù nē. Yá tē vānà tē kwirə yı ndē kùv bwərə tē, sēsen nē dáá nē yáá vāja, tē ja dəri, tē vələ kùv. <sup>10</sup> Tē yá jē dəbələ də tē suran ndē nı̄ja nē. Kú ga yı tē dəbələ tē wa nē, tē diàn tē nāja, tē ma kəni càn ləzoni nē, kú ja vələ cànı bonu. <sup>11</sup> Tē piú nē yı \*Sıtana malıka tē, ka nē ywāńá bıv tē, kú dēń nē lù zənzən, tē yuu. Ebərə-ba sıgv wa, ba bōjə ka ‹Abadın\*›, \*Gərəkə-ba də sıgv wa, ba bōjə ka ‹Apulıv›.

<sup>12</sup> Təntən lēē tē kēēń. Nēń, lēē bələ duən, tē nē wá bā kú kwa nē.

*Bardv nii nabwana tē wúru yoo  
(Apokalisë 16.12-16)*

\* **9:11** 9.11 Kú yırı tēntē dēń nē yı cıvı̄ranyıən liù.



13 \*Malıka bardu nii nyiën tē wúrú ka nabwana. À dān ma nì kori don, ku swìn, ku naṅa síán \*joṅi kúrí nanyɔran banıa tē con, ku nē wulə Yu yáá con. 14 Kori tē dān swìn malıka bardu nii nyiën tē con, ka nē jə nabwana tē, ka wú: «Kùrí malıke banıa tē, ba nē vwə də banzala mɔnaa nəfaru tē nii nē, ba nē boṅə ‹Efəratə›.» 15 Yá ba dān kùrì malıke banıa tē, tē nē ken tē sírí, tē dānì ku bırı tē, ku cànà tē də ku máṅá təntə tətə, ku dıın tē. Tē ken tē sírí, sə tē gv ləzoni pwìú batwa wa vān nədu don tıa yuu wa. 16 À nì də, ba swìn pamana tē nii, ba nē dīgà səsen tē, ba bırı nē. Ba swìn də ba yı lià miliyɔn biələ. 17 Mə ku tē, Yu nē pa, à na tē nē yı nətu. À nı səsen də lià nē dīgà tē yuu, ba lià tē yà zva pamana lurən ganan. Lurən təntə yı nəstıan, ndə mən nē. Tē ga yı pùpòò ndə nywìın nē. Tē mù nē yı səmun ndə jirəbuu nē də. Səsen tē yun yı ndə gərən yun nē. Tē níé wa mən də nywìın də jirəbuu nē naṅa lá. 18 Tē wiən batwa təntə gva ləzoni pwìú batwa vān nədu tē don. Tē gva ba də mən, də nywìın, də jirəbuu tē nē naṅa tē níé wa. 19 Səsen tē dıàn yà yı tē naṅa tē níé tē də tē dəbələ wa. Tē dəbələ tē yı ndə dıṅa nē, tē ga jə yun də. Yá ku yı tē yun təntə nē, tē ma fwa ku tē nē lwara.

20 Ləzoni tē, ba nē ga lá, wiən təntə nē wà gwi, wà səe ba vəvəri ba kwa, ba ma sá wiən tē ba nē fwa də ba juın. Ba tē pıın dun \*zinə tē nē də woṅwanan tē nē, ba nē fwa də ba tətə juın. Tē woṅwanan təntə yı ba fwa də síán, nē à yèé də cııta, nē à yèé də kapana, nē à yèé də daran.

Tə wonwanan təntə yía ba na, tə zian ba nèh, tə ga wàrì tə vèli. <sup>21</sup> Ba mù ləzoni təntə wà ba kwa vəvəri, ba ma sá ba laguri tə, nə à yèó ba cırı tə, nə à yèó ba ka pèh duən vεε vεε tə, nə à yèó ba ηwìràn tə.

## 10

### *Sagibiə tə, ba nə pın Zwan nə tə, yoo*

<sup>1</sup> À nı \*malıka don, ka nə jə dıàn zənzən də ka nan Yı sàh ka cwı. Ka yà pəpəri ka tıàn də bakwan. Ka yuu con kıkarı də dwà sùú, ka yáá tə ga yı ndə yıcau nə. Ka nəε tə də yı ndə ywəhə nə, tə nə jə mən. <sup>2</sup> Ka yà jə sagibiə, ku nə sùrí ka jıın wa. Yá ka dān tún ka jızən naa tə muu yuu wa, ka ga tún ka jıgwiə naa tə tia yuu wa. <sup>3</sup> Ka dān ga zın ka kori, ka kə yı nə, ka bubwi ndə gəru nə yáá baa nətu tə. Ka nə bubwi nətu tə kwa nə, dwà baa nəε barpe. <sup>4</sup> Máná tə, dwà nə baa nəε barpe tə, à yà pıà à púpúnı, yá à dān nı kori, ku nə nan Yı \*sàh, ku swın à con, ku wú: «Dān ká púpúnı ku tə, dwà tə nə baa nəε barpe ka swın tə, n pa ba lwarı. Ja ku n con nə!»

<sup>5</sup> Yá malıka tə, à nə nı də ka zıga yı nə, muu tə də tia tə yuu wa, dān zın ka jızən jıın tə, ka te yı nə. <sup>6</sup> Ka dùè də Yı tə, v nə wulə mu wa, máná də máná, ku nə ba zwèe, v nə fwa lanworu tə də wiən, tə nə wulə ku wa. U fwa tia də ka yuu wiən, v fwa muu də ku wa wiən. Ka dùè də Yı yırı tə ka swın də, ku kúv ba ja ka lı máná, ka ma dān. <sup>7</sup> Yá máná tə, malıka barpe nii nyiən tə nə wá kə ka sırı, ka wúrí ka nabwana tə, ku máná tə wa, Yı dān wá pa, v cígá tə, ka nə sègè,

tun ka nii sú. U yà swìn ku sɔywánú tɛntɛ, ɔ tɔ̀tɔ̀nà tɛ nɛ yɪ ɔ nii \*sùsùnà tɛ con.

<sup>8</sup> Yá kori tɛ, à yà nɛ nì, dɛ ku nan Yɪ sàń, ku bìàn tɛ, kùò píí ku swìn à con, ku wú: «Vɛli, n jon sagɔbiɛ tɛ, ku nɛ súrí, ku wulɛ malika tɛ jɪn wa, ku nɛ zɪga yɪ nɛ, muɔ tɛ dɛ tɪa tɛ yuu wa».

<sup>9</sup> À dàń vɛli malika tɛ con, à ga swìn ka con, sɛ ka pa nɛ sagɔbiɛ tɛ. Ka ma swìn à con, ka wú: «Jon ku, n lɛri! Ku wá yà lán lán n nii wa, ndɛ tɪran nɛ. Yá ku ga wá yà càn kwalɔ kwalɔ n pùé wa». <sup>10</sup> À jon sagɔbiɛ tɛ, malika tɛ jɪn wa, à lɛri. Ku yɪ lán lán à nii wa ndɛ tɪran nɛ. Yá à dàń nɛ lɛri ku, ku jigɛ càn kwalɔ kwalɔ à pùé wa. <sup>11</sup> Ba dàń ma swìn à con, ba wú: «N mɛ, sɛ n tɛ bwé n swìn Yɪ nii sùràn tɛ, n bírɪ lɔɔ nii kapɔɔpɔ lìa nɛ, dɛ lɔɔ dwíé kapɔɔpɔ, dɛ nɛndɛli yiri kapɔɔpɔ lìa nɛ, dɛ pèegá kapɔɔpɔ nɛ».

## 11

*Lìa bɛlɛ tɛ, ba nɛ swìn cígá tɛ, ba bírɪ  
(Likɛ 21.24)*

<sup>1</sup> Ku kwa nɛ, ba dàń pɪn nɛ muɔ, ba nɛ ma maɲa wiɛn, ku nɛ yɪ ndɛ dabiɛ nɛ, ba ga swìn, ba wú: «Zàn, n ga man Yɪ \*dìè tɛ dɛ ku \*jonɪ kúrí tɛ, sɛ n gàlì lìa tɛ nii, ba nɛ wulɛ ku wa, ba pɪn dun Yɪ nɛ. <sup>2</sup> Yá Yɪ dii tɛ yáá tɛ nɛ dà, kàrá con tɛ mù, dàn ká man ku. Yɪ pɪn yáá tɛntɛ, lɔɔ dwíé tɛ duɛn tɛ mama, ba nɛ yèrì Zwezi-\*Kɛrisɛ nɛ lɔɔ wa. Dwíé tɛntɛ wá nɪɲa tɪɔ tɛ, ku nɛ yɪ Yɪ nyiɛn tɛ dɛ nɛɛ, halɪ, ku ja vɛlɛ cànì sapwilɛ dɛ bɛlɛ». <sup>3</sup> Yɪ kùò ma swìn, ɔ wú: «À wá tun à

là bələ, ba nə wá swìn à cígá tə, ba biri. Ba là təntə zba pucunı ganan. Ba wá swìn à sugv, ba biri là nə dian mürò də biələ də sapwıtwa (1 260)». <sup>4</sup> Kú là bələ təntə nə yı ndə \*oliviye tian bələ tə də canzılan bələ tə, tə nə zıga \*Yuu-Tiu yáá con, v nə dé pàrì tia yuu wa. <sup>5</sup> Liù nə pià, sə v fwa ba lwanı, mən yáá nan ba nii wa, tə dé ba duŋa tə, tə cùgù. Cígá, liù nə pià, v cùgù ba, kú me, sə ba gv kú tíú nətü. <sup>6</sup> Ba jə diàn, sə ba ja, dwà ka dàn ká nà, máná tə wa, ba nə wá swìn Yu nii sùràn tə. Ba ga jə diàn, sə ba lwan nía, ba pa, tə jì jana. Ba jə diàn də, sə ba kə yacara yiri mama là tə nə, ba nə wulə tia yuu wa, máná tə mama, ba nə pià.

<sup>7</sup> Máná tə wa, ba nə wá swìn Yu sùràn tə, ba zwèe, wojjiru tə nə naŋa \*Sitana malıke buu tə wa, kú dèñ nə lu zənzən tə, dān wá zıgı ba nə də kùd. Yá kú wá ta ba, kú dé, kú ga wá gv ba. <sup>8</sup> Ba wá yá ba tıga tə kanporu wa, tıv nəfarv\* tə tətəŋi wa. Mə kú bwálí təntə wa nə, ba paa ba \*Yuu-Tiu dagarv yuu wa. Yıra tə tə nə biri tıv təntə nyinyıga nə yı \*Sodómə də \*Ezzipətə.† <sup>9</sup> Luv nii mama là, dwíé yiri mama là, də nəndəli yiri mama là, də luv dwíé tə mama wa, wá ywàn ba tıga tə, kú ja vələ dian batwa də fan. Yá ba bá pa cwəŋə, sə ba gùrì tıga təntə. <sup>10</sup> Tıa yuu ləzoni wá jwe ba mù là

\* **11:8** 11.8 Sodómə yà yı tıkkwııv, kú nə súde də là tə, ba nə tıŋa kú tə mama, ba nə swə, Yu ma cùgù kú. Yızərayelə là tə yà yın ywəŋə Ezzipətə nə. † **11:8** 11.8 Sodómə yà yı tıkkwııv, kú nə súde də là tə, ba nə tıŋa kú tə mama, ba nə swə, Yu ma cùgù kú. Yızərayelə là tə yà yın ywəŋə Ezzipətə nə.

bələ təntə tian tə yırı, ba ga wá yà pupwən wa. Ba wá tən zilé wiən duən yıra, ba mù Yıı nii \*sùsùnà bələ təntə tian tə yırı, ba nə wəwalı tıa yuu ləzoni zənzən tə yırı.

<sup>11</sup> Dıan batwa də fan tə kwa nə, Yıı pın \*sııu, ku nə pın mı, bà ku zı ba, yá ba dän ga zàn, ba zıga ba nəe nii nə. Fən nəfarı dän zıa lıà tə, ba yà nə ywàńá ba. <sup>12</sup> Ba nı kori tə nə jə dıàn də ku baa, ku nan yıı nə, ku swın ba con, ku wú: «Á dıa yəbə!» Yá ba dän dıgà yıı nə bakwan wa, ba dııa tə ga na ba. <sup>13</sup> Ku máńá tə wa, tıa vuvugu zənzən, yá tıv tə pwıú fugə vàn nədu buburı duən yuu wa. Ləzoni mürü barpe (7 000) tıga, ku mù tıa tə vuvugu təntə wa. Fən zıa ba duən tə, ba ga pa dun Yıı nə, ı nə wulə ı sán nə.

<sup>14</sup> Bələ nii lee tə kèen. Ku kwa nə, nəń, batwa nii lee tə nə, tə nə wá bà sún sún.

*Nabwanan barpe nii nyıen tə yoo  
(Apokalisè 12.10; 19.6)*

<sup>15</sup> \*Malıka barpe nii nyıen tə wúru nabwana. Kwərə tə nə jə dıàn baa, tə nan Yıı sán nə, tə wú:

«Lıv pàrı tə twı nə \*Yuu-Tıu də \*Kərisə tə, ı nə tın wá. ı wá də pàrı, máńá də máńá, ku nə ba zwèe».

<sup>16</sup> \*Nəkwına sapıa də banıa tə, yà nə jèé Yıı yáá nə padaran tə yuu wa nə tə, tıa ba yáá yuu, ba wulə ba pın dun Yıı nə. <sup>17</sup> Ba swın, ba wú: «Nə kəni n lèèèe Yuu-Tıu Yıı tə, n nə wulə tə me yuu wa. N mù nə yın lá, n mù ga nə wulə. Nə pın mú dun, n dıàn nəfarı tə nə pın,

n tún n pàrì tē yiri. <sup>18</sup> Luv dwíé tē mama luḡa yà zaḡa Yu yuu wa. Yá Yu luḡa tē twi síún nē. Máná dàń yí, sē n b̀r̀r̀ tıga b̀r̀à. N wá ḡwín n t̀t̀t̀nbiã tē, ba nē yı n nii \*s̀s̀s̀nà tē. N wá ḡwín là tē mama, ba nē yı n mù nē tı, dē ba tē mama, ba nē zılı mú, dē ba ləzwənbii dē ba ləzwənfaran. Yá n dàń wá c̀g̀g̀ là tē, ba nē c̀g̀g̀ tıã tē, k̀ máná tēntē wa».

<sup>19</sup> K̀ kwa nē, Yu \*d̀è tē Yu sàń tē wa dàń s̀r̀ı. Yu d̀è tē wa, \*nimarv daka tē nan yıá yuu. Dwà pıpıı, ka baa, kwərə duən dē yın lá, tıã tē dē ga vıvaga, dwakafına dē ga nan, tē lwá dē d̀àn.

## 12

### *Kan dē tıdēn yoo*

*(Apokalisë 2.26-27; 1 Piyerə 5-8)*

<sup>1</sup> K̀ kwa nē, mımıv nēfarv don nan yı nē. À nı kan don, yıcaıv tē nē pəpəri wá ndē gànù nē, cànà tē ga wulə v nēē d̀ń. Kacılacē fugə bəlē nē yı v dun yupuu, k̀ nē púé v yuu nē, k̀ kıkarı. <sup>2</sup> Kan tē yà jə pùé v pıà, sē v lırı. Yá v lırı tē càn dàń pın, v bubwi.

<sup>3</sup> Mımıv tē don kúè nan yı nē. Ǹń, k̀ yı tıdēn nēfarv, nəsıan ndē mən nē, k̀ nē jə yun barpe dē nyıran fugə nan k̀ zıga. Dun yupuu yà púé k̀ yuu tē nēdv mama nē. <sup>4</sup> K̀ dəbəli bıbalı kacılacē, tē nē wulə lanworu tē wa, pıwıú batwa vən nēdv don, k̀ lwá tıã yuu wa.

Tıdēn tē dàń zàn k̀ zıga kan tē, v nē pıà v lırı, tē yáá con. Yá máná tē wa, v dàń nē lırı, k̀ pıà k̀ dé v bıú tē. <sup>5</sup> V lırı bıú. V mù bıbēē

təntə nə wá dé pàrì luv dwíé tə mama yuu wa də diàn. Yá ba dǎn jon v biú tə, ba ja va Yui con, v padav tə nə wulə lá. <sup>6</sup> Kan tə ma dəri, v va kasoo lanworu wa. Yui yà kwen bwálí, v tún v nə lá, sə v li v nii nə, ku ja vələ dian mùrò də biələ də sapwɪtwa (1 260).

*(Likə 10.18-19)*

<sup>7</sup> Kùò dǎn twi ku zàn Yui \*sǎn nə. \*Malıke pìú Miswelə də v malıke tə ta tıdən tə. Tıdən tə də də ku malıke ta ba zıgı ba nə. <sup>8</sup> Yá tıdən tə dǎn nə wà diàn dí ba yuu wa. Ku də ku malıke tə yà kùò ba tə bwálí jə Yui sǎn nə. <sup>9</sup> Ba dıı ku mù tıdən nəfarv təntə də ku malıke tə tia yuu wa. Ku mù nə yi dən nədwan tə, ba nə boŋə <\*zini pìú>, nə à yèé \*Sitana. Ku mù nə gıgarı là tə nə wulə tia ka tə yuu mama wa.

<sup>10</sup> À dǎn nì kori, ku nə jə diàn də ku baa, ku nan Yui sǎn nə, ku swın, ku wú:

«Síún nə, máŋá dǎn yí, yá Yui jon là Sitana jìàn wa. Nə nyuna Yui bıri v diàn tə, də v pàrì tə nə yi nətv. \*Kərisə tə, v nə tun tə, də ga bıri də, Yui ken diàn v jıın wa. Ku yi cígá, ba yigu liú tə, v nə swın v zıga ba tə nə, ba nə yi nə nubıa Kərisə yırı, ba li Yui sǎn nə, ba dı tia. U mù nə yi liú tə, v yà nə swın, tıjaŋa sùràn v ma zıga ba nə, tıtın də yıcau, nə nyuna Yui tə yáá con. <sup>11</sup> Nə nubıa tə dí diàn v yuu wa, liú tə nə yi ndə pabiə nə tə jana tə yırı, tə nə lwá də Yui sugv tə yırı, ba nə swın ba bıri là nə. Ba sèe, sə ba ja ba mu tə, ba ma lárı tıan. <sup>12</sup> Ku mù tə yırı, á yana pupwən wa,

á mù lià tē, á nē wulə Yü sàñ tē wa. Yá læɛ dàñ wá yà tia yuu wa dē mʊv wa, Sítana nē cuə tē con tē yiri. U súé dē lɔŋa, v nē yèé dē, v máŋá tē nē ga kúv ba dáá yiri».

<sup>13</sup> Máŋá tē, tíðən tē nē nɪ dē kʊ yɪ, ba dɪlɪ kʊ tia tē yuu wa, kʊ pe kan tē nē lʊrɪ bíbɛɛ tē, kʊ kə kʊ yáá. <sup>14</sup> Ba pɪn zənpurən nəfarʊ vənà bələ kan tē nē, sə v ma pəri, v va kasɔɔ lanworu wa. Bwálí wulə kasɔɔ lanworu təntə wa, Yü nē wá lɪ v nii nē lá, bɪna batwa dē fan. Yá v dē kʊ mù tíðən tē kúv bá boli duən. <sup>15</sup> Tíðən tē tʊnɪ níá kʊ lɪ kʊ nii wa, ndə mʊnaa nē, kan tē kwa con, sə tē pèe wá tē ja jén. <sup>16</sup> Yá tia tē san kan tē nē, ka súrí ka nii, ka nyʊ mʊnaa tē, tíðən tē nē tʊnɪ kʊ lɪ kʊ nii wa, kʊ dɪlɪ kan tē kwa tē. <sup>17</sup> Tíðən tē lɔŋa zàn kan tē yuu wa, kʊ dàñ ma píi kʊ va kʊ zìn kúv kan tē bía gɪgani nē, ba nē yɪ lià tē, ba nē sèe ba twá Yü \*nii yìèn tē nē, ba ga swìn Zwezi sùràn tē, ba bírɪ dē ba twá tē nē. <sup>18</sup> Tíðən tē dàñ ma kèen kʊ va, kʊ zɪga mʊv tē vən nē.

## 13

### *Wojjiru tē nē nan mʊv tē wa nē yoo (Apokalisè 17.3, 7-17)*

<sup>1</sup> Kʊ kwa nē, à nɪ wojjiru don dē kʊ naŋa mʊv wa. Kʊ wojjiru tē yà jə nyʊran fugə dē yun barpɛ. Nyʊv nədv mama yuu yà jə dun yupuu. Yun tē nədv mama yuu wa, yira yà púpúná, tē nē twɪn Yü.

<sup>2</sup> Wojjiru tē, à nē nɪ tē, yɪ ndə gwíə nē. Kʊ nəɛ tē yɪ ndə kanyakuru nəɛ nē, kʊ nii tē ga yɪ ndə gəru nii nē. Yá tíðən tē dàñ pɪn kʊ diàn tē, dē kʊ padaʊ tē, dē pàrɪ nəfarʊ wojjiru tē nē. <sup>3</sup> À nɪ



wojjiru tē yuu nēv don, ba nē mà ba tún nūran ku yura, ndē ku wá tū. Yá ku nūran tēntē dān pīi tē zūri. Ku dān gwári tia yuu là tē mama, ba ga dēri ba twá ku kwa. <sup>4</sup> Lìà tē mama dān tua tia tūdēn tē yáá con, ba pa ku dun, ku nē pūn pàri wojjiru tē nē yūri. Ba tua tia wojjiru tē yáá con, ba ga wú: «Lìù tēlé, v nē mē dē wojjiru tē. Lìù tēlé v nē wàá v tē, v zīga ku nē».

<sup>5</sup> Ba pūn cwēḡ wojjiru tē nē, sē ku swīn fwīē sūrān dē yīēn tē nē twīn Yū. Ba tē kúv pūn ku cwēḡ, sē ku dé ku pàri tē, cānī sapwīlē dē bēlē. <sup>6</sup> Ku dān sūrī ku nii, ku swīn yīēn, ku ma twīn Yū dē ku cūgā v yūri tē nē, dē ku twīn v bwálī tē, v nē wulē tē, dē là tē nē wulē Yū \*sān tē wa. <sup>7</sup> Ba pūn ku cwēḡ, sē ku ta ku zīgī là tē nē, ba nē yī \*Kōrisē nē tū, sē ku ta ba, ku dé. Ba pūn ku cwēḡ, sē ku dé dīān dwīé dēkurēn yiri mama là, lūv nii mama là yuu wa, nēndēli yiri mama là yuu wa, dē lūv dwīé tē mama wa. <sup>8</sup> Yá tia yuu là tē mama, ba yura nē wà púpúnī mū sagī tē wa, mánjá tē wa, Yū nē fwa lūv, dān wá tū wojjiru tē yáá con, ba pa ku dun. Mū sagī tēntē yī \*pabiē tē, ba nē ken sīv ka bīan nē tē, nē tū ku.

<sup>9</sup> Lìù mama dān mē, sē v kē dīān, v sūrī v zīan, sē v ma cūgū zēni!

<sup>10</sup> Lìù tē, v nē mē, sē v dūja ja wá, ba ma fwa ku tē, ba nē pīà, ba wá ja ku tíú tē. Lìù tē, v nē mē, sē ba gū dē lagūri sīv, ba cīgá wá gū ku tíú dē lagūri sīv. Ku nētv tē yūri, là tē nē yī Kōrisē nē tū tē mē, sē ba kē ba waa Zwezi-Kōrisē nē, ba ga ja pínú wuuu, ba dān ká pīi, ba kē ba kwa.

*Wojjiru tə nə nan tɪa tə yoo  
(Apokalisë 19.20; 14.9-11)*

<sup>11</sup> Kʷ kʷa nə, à nɪ wojjiru don də kʷ nan tɪa kʷ dɪ. Kʷ yà jə nyʊran bələ, tə nə yɪ ndə pabɪə nyʊran nə, kʷ ga swɪn ndə tɪdən nə.

<sup>12</sup> Kʷ yà wulə kʷ tʊŋa də mʊv wojjiru pàrɪ tə, kʷ mʊ mʊv wojjiru tə yáá con. Yá kʷ dàń kálú tɪa də ka yuu ləzoni mama, kʷ pa ba tʊ kʷ yáá con, də ba pɪn dun kʷ mʊ təntən wojjiru təntə nə. Mə kʷ mʊ mʊv wojjiru təntə, nə ba mà ba tún nʊran kʷ yɪra, ndə kʷ wá tɪ. Yá nʊran təntə dàń pɪɪ tə zùrɪ. <sup>13</sup> Kʷ mʊ bələ nii wojjiru təntə yà fwa dɪàn mɪmɪnan nəfaran. Kʷ yà pɪn, mən nan yɪ nə, tə cú tɪa yuu, ləzoni tə mama yíá yuu. <sup>14</sup> Kʷ yà gɪgarɪ tɪa yuu ləzoni də kʷ dɪàn mɪmɪnan tə, ba nə pɪn kʷ cwəŋə, sə kʷ fwa mʊv wojjiru tə yáá con. Kʷ dàń swɪn tɪa yuu ləzoni con, sə ba ma wojjiru təntə, ba nə za də lagʊrɪ sɪú, ba tún nʊran kʷ yɪra, kʷ ga pɪɪ kʷ bwɪn tə nyɪnyɪga. <sup>15</sup> Ba pɪn cwəŋə bələ nii wojjiru tə nə, sə kʷ pa təntən nyɪən tə nyɪnyɪga tə, ba nə ma tə wàní, kʷ na mɪ kʷ sɪí, sə kʷ wàní kʷ swɪn yìèn. Ba pɪn kʷ cwəŋə, sə kʷ pa, ba gʊ là tə mama, ba nə ba tɪa twɪ, ba pɪn kʷ dun. <sup>16</sup> Wojjiru tə pɪn, ba fwa mɪmɪnʊ là tə mama jɪzən jìàn nə, nə à yèé ba tɛ́lé nə. Kʷ yɪn ləzwənbii də ləzwənfaran də jɪjə tɪàn də zʊra də là tə nə tɪ ba tɪàn də ywəŋə. <sup>17</sup> Yá liù mama bá wàní won ʊ yoli, nə à yèé ʊ jon ʊ yè, də kʷ tíú tə nə ba kʷ mɪmɪnʊ tə jə. Kʷ mɪmɪnʊ təntə nə bɪrɪ, wojjiru tə yɪrɪ tə nə yɪ nətʊ, nə à yèé, nanba tə, kʷ nə bɪrɪ kʷ yɪrɪ tə.

<sup>18</sup> Mə yəbə nə wʊbʊŋa mɛ, sə kʷ ya lá. Liù tə,

υ nə jə yənu, nə wàá kʷ nanba təntə dèñ υ jəli  
υ lwarı. Kʷ nanba təntə bırı bæε ləzoni nanba.  
Kʷ yı biərdʊ də sapwıtwa də bardʊ (666).

## 14

*Pabiə tə də υ kwa lià tə yoo*  
(*Ebərə-ba 12.22-24; Apokalisë 7.3*)

<sup>1</sup> Á cʷga zəni, à ywàñ də à na, \*pabiə tə, ka zıga  
yı nə paan tə, ba nə boŋə ‹Siyon\*›, tə yuu wa.  
Lià mürù bíí də mürù sapwilə də mürù banıa  
(144 000) yà wulə də wá, ba yà nə jə υ yırı tə,  
də υ nyına Yı tə yırı tə, tə nə púpúnı ba télé  
nə. <sup>2</sup> Á nı kori, kʷ nə nan Yı sàñ, kʷ yı ndə  
níá nə dáá, tə ga dəri tə biàn, kʷ ga yı ndə dwà  
nə baa də diàn. Kʷ kori təntə, à nə nı tə, yı ndə  
kunkodurə nə wulə, ba dwı ba kunkolu. <sup>3</sup> Ba dāñ  
wulə ba nuŋə nuŋə nədʊn Yı padav tə yáá, də  
wiən banıa tə, də \*nəkwına tə yáá con. Liù təlél,  
υ nə wàá kʷ nuŋə tə υ kwè, də kʷ nə tà ba lià  
mürù bíí də mürù sapwilə də mürù banıa (144  
000) təntə, Yı nə yè lià təntə υ jon, tıa ka tə yuu  
wa. <sup>4</sup> Ba lià təntə yı lià tə, ba nə cıgà ba tiàn  
nə, ba wà durən yièn fwa. Ba yı lià tə, ba nə wà  
cwàri də duən. Ba yı pabiə nə tə kwa bwálı tə  
mama, ka nə vələ. Yı yè lià təntə υ jon ləzoni  
pwərə wa, sə ba ya υ mü Yı də nə, tə təntən lià.  
<sup>5</sup> Kʷnkʷn wà ba lià tə nii wa nan. Ba yı lià tə,  
ba nə ba yoo jə, ba nə wá caga ba nii nə kʷ yırı.

---

\* **14:1** 14.1 Kʷ yı paan tə, \*Zwerizalemə nə lwè kʷ yuu wa, yırı  
nədwān.

*Yü bürà tə yoo*

*(Tətvnan 17.30-31; Apokalisè 18; 19.19, 20)*

<sup>6</sup> Kū kwa nə, à nı \*malıka tə don, ka nə pəri, ka nan yü nə ban ban. Ka yà jə sɔywánú, kū nə wulə máńá mama wuu, sə ka swın ka bıri tia yuu ləzoni nə, də lɔɔ dwíó tə mama wa nə, də dwíé dəkuren yiri mama là nə, də nəndəli yiri mama là nə, də lɔɔ nii mama là nə. <sup>7</sup> Malıka tə zın ka kori, ka kə yü nə, ka wú: «Á zilé Yü, sə á ga pa wá dun, máńá nə yí, sə ɔ bürì ləzoni bürà yırı. Á twia Yü yáá con, á pa wá dun. Ʈ mù nə fwa lanworu, də tia, də muɔ, də nabuliyıa».

<sup>8</sup> Malıka don, ka nə yı bələ nii nyiən, twá təntən nyiən tə kwa, ka bà, ka swın, ka wú: «Kū tua, \*Babilɔnə tiv nəfarɔ tə tua buuu. Babilɔnə tián yà pın lɔɔ dwíé tə mama wa, twá ba nə, ba pəni duən vɛɛ vɛɛ, ndə ba nyɔa swana ba bubɔni».

<sup>9</sup> Malıka don, ka nə yı batwa nii nyiən, twá təntə nyiən bələ tə kwa, ka bà, ka zın ka kori ka kə yü nə, ka wú: «Lìù tə, ɔ nə tua wojjiru tə də kɔ nyınyıga tə yáá nə, ɔ pa kɔ dun, yá kɔ tíú ga jə wojjiru tə mımıɔ ɔ təlí nə, nə à yèò ɔ jıɔn nə, <sup>10</sup> Yü lıɔa tə wá zàn ɔ yuu wa zənzən, ndə ba nə lwa swana tə nə dá wùrú zɔɔa wa, ba pa ɔ nyɔ ɔ bubɔni. Yá Yü dān wá kə kɔ ləzwənyiri təntə, mən də jirəbuu wa, sə tə pa ɔ dé càn, ɔ malıke tə də \*pabiə nə tə yáá con. <sup>11</sup> Mən tə dān wá kə càn ba ləzwənyirə təntə nə, tə nywín ga zaɔa, máńá də máńá, kū nə ba zwèe. Yá ba ba na sié yıcaɔ də tıtın. Ba yı là tə, ba nə tua wojjiru tə də kɔ nyınyıga tə yáá con, ba pa kɔ dun. Yá

ba yi là tə, ba nə sɛe, ba pa ba fwa wojjiru tə yiri tə mɪmɪnu ba yira».

<sup>12</sup> Kɔ nətɔ tə yiri, là tə, ba nə yi Kərisə nə ti, ba nə twá ɔ \*nii yìèn tə nə, ba ga kə ba waa Zwezi-Kərisə nə mɛ, sə ba ja pínú wuuu, ba dàn ká pìi ba kə ba kwa.

<sup>13</sup> À nì kori, kɔ nə nan Yɪ \*sàń kɔ nə swìn, kɔ wú: «Púpúní, kɔ nə zɪɪ sɪún nə: Pupwən là nə yi là tə, ba nə ken ba waa \*Yuu-Tiu nə, ba ga zɪɪ lá ba ti. Yɪ-\*Siŋu tə le, kɔ wú: «Kɔ yi cígá, ba wá sɪi ba tɔtɔncaran tə jɪn wa, yá tə mù dǎń nə bɪri kɔ tə, ba nə tɔn.»

*(Matie 13.37-43)*

<sup>14</sup> À nə ywàŋá də nèn, bakwan nəpon nə, won yà jèé kɔ bakwan tə yuu wa, kɔ yi ndə ləzwənə nə. ɔ yà púé sían yupuu ɔ yuu nə, ɔ ga jə sɪkwara, kɔ nii nə yi fula fula, ɔ jɪn wa. <sup>15</sup> \*Malika don nan Yɪ \*dìè tə wa, ka zìn ka kori, ka kə yi nə, ka swìn liù tə con, ɔ nə jèé bakwan tə yuu wa, ka wú: «Tɪa yuu wiən tə bɪga tə mɛ, sə ba gian tə. Mǎŋá yí, sə ba gian tə! Ja n sɪkwara tə, n ma gian tɪa yuu wiən tə!» <sup>16</sup> Liù tə, ɔ nə jèé bakwan tə yuu wa, dǎń ma ja ɔ sɪkwara tə, ɔ ma gian tɪa yuu wiən, tə nə bɪga tə mama, ɔ zwèe.

<sup>17</sup> Malika don də tə nan Yɪ dìè tə wa, kɔ nə wulə Yɪ sàń nə. Ka də yà jə sɪkwara, kɔ nii nə yi fula fula. <sup>18</sup> Malika don də ka nə jə dǎn mən yuu wa, nan \*joŋi kúrí tə con, ka zìn ka kori, ka kə yi nə, ka swìn ka tə nə jə sɪkwara tə, kɔ nii nə yi fula fula tə con, ka wú: «Ja n sɪkwara tə, kɔ nii nə yi fula fula tə, n ma pùrí kacan, tə nə bɪga,

tə wulə tia yuu kacán kárá tə wa!» 19-20 Malíka tə dàń ma ja ka síkwara tə, ka ma pùrí kacán, tə nə wulə tia yuu wa, Ka tí tə, ka lwá zɔɔ nəfaru wa, sə ka kaŋa tə, ka ma fwa swana, sə kɔ bɪrɪ Yɪ lɪŋa nə zaŋa zənzən nətu. Ba tɪtaga kacán tə. Zɔɔ nəfaru tə wa kɔ yà nə wulə tɪv tə nii nə. Jana nan kɔ bwálí tə wa, tə dəri tia, tə va kilomɛtərə biətwa (300). Kacán níá təntə yɪ jana, tə dàń ga luŋə zənzən. Sɪsan nə zwa tə wa, tə wá dɪ, tə yí ka nii kwìón.

## 15

*Malíke barpe tə də yacara yirə yirə tə yuu yoo (Apokalisè 19.1-4; 11.19; 16.1)*

<sup>1</sup> Kɔ kwa nə, à nɪ mɪmɪnɔv don lanworu tə wa, kɔ yɪ nəfaru, kɔ ga yɪ wobalu. À nɪ \*malíke barpe, tə nə wáá yacara dəkurən barpe tə kəni là nə. Mə tə mù talíkwa yacara barpe tə nə Yɪ wá twá, v ma tɔn v lɪŋa tə, v pa tə sú.

<sup>2</sup> Kɔ kwa nə, à tə nɪ won ndə muv nə, kɔ nə yɪ ndə zəŋə nə, kɔ nə gùlí də mən. À nɪ ba tə, ba nə dí diàn wojjiru tə də kɔ nyɪnyɪga tə yuu wa də won tə, kɔ yɪrɪ tə nə yɪ nanba tə, yuu wa. À nɪ ba də ba zɪga kɔ mù muv tə, kɔ nə yɪ ndə zəŋə nə tə, yuu wa, ba ga jə kunkwələn tə, Yɪ nə pɪn ba. <sup>3</sup> Ba wulə ba nuŋə Yɪ tutɔnbɪu \*Moyizə nuŋə tə, tə nə yɪ liù tə, v nə yɪ ndə \*pabíə nə tə də nuŋə, Ba nuŋə ba wú:

«Nə \*Yuu-Tiu Yɪ, n wulə tə mə yuu wa, kɔ tə n nə fwa dáá, kɔ ga jə fɪra. N yɪ dwíó tə mama pìú lɔv wa. N coŋi tə yɪ mənə mənə, tə ga yɪ cígá coŋi də. <sup>4</sup> Yuu-Tiu, là

tə mama zilí mú, ba ga bwɪ n yɪɪ tə nə. N mù cɪcɪ nə yɪ Yɪ. N dwə won mama. Lɔɔ dwíé tə mama wa wá bà, ba tɔ n yáá con, ba pa mú dun, ba nə wá na n tutɔnan, tə nə yɪ cígá tə yɪɪ».

<sup>5</sup> Kɔ̀ mù tɛntə kwa nə, à nɪ Yɪ \*diè tə, ka sùrí Yɪ \*sàń nə, yá Yɪ \*nimarɔ gansili tə ga wulə ka wa. <sup>6</sup> Malɪkɛ barpɛ tə nə kəni yacara dəkurən barpɛ lià nə tə, nan Yɪ diè tə wa. Tə zɔa ganpwənə, tə nə tɔŋə mən, tə ga vwa síán vwərən tə nyɔna nə. <sup>7</sup> Wiən banɪa tə wa won don pɪn síán wùrú zɔŋɪ barpɛ, malɪkɛ barpɛ tə nə. Kɔ̀ tə nə wulə wùrú zɔŋɪ tɛntə wa, bɪɪ Yɪ lɪŋa tə. Ù mù Yɪ nə wulə mu wa, máná də máná, kɔ̀ nə ba zwèe. <sup>8</sup> Yɪ dun tə də ɔ̀ diàn tə pɪn, nywɪń sù Yɪ diè tə. Liù mama yà kùbè wàɪɪ diè tɛntə wa ɔ̀ zɔɪ, kɔ̀ jə vələ máná tə, malɪkɛ tə yacara dəkurən barpɛ tə mɛ nə wá bà tə tɔn tə zwèe.

## 16

### *Malɪkɛ barpɛ tə də càn yirə yirə tə yoo (Apokalisè 8.6–9.21)*

<sup>1</sup> À nì kori, kɔ̀ nə jə diàn də kɔ̀ baa, kɔ̀ nan Yɪ \*diè tə wa. Kori tə swɪn \*malɪkɛ barpɛ tə con, kɔ̀ wú: «Á vələ, á lwá kɔ̀ tə nə wulə wùrú zɔŋɪ barpɛ tə tə wa, kɔ̀ nə bɪɪ Yɪ lɪŋa tə, tia yuu wa».

<sup>2</sup> Təntən malɪka tə vɛli, ka lwá ka wùrú zɔŋa tə tia yuu wa. Nɔran kɔ̀kwɪnan, tə nə wùrɪ báá báá báá, zən, tə tɔ lià tə yɪra, ba nə jə wojijiru

tə mʊmʊnʊ tə ba yɪrə, ba ga twɪ kʊ nyɪnyɪga tə yáá con, ba pɪn kʊ dun.

<sup>3</sup> Bələ nii malɪka tə lwá ka wùrú zɔŋa tə mʊb tə wa. Níá tə zən tə jì jana, ndə tɪɪ jana nə. Yá mʊb tə wa wiən tə də mama tɪga.

<sup>4</sup> Batwa nii malɪka tə lwá ka wùrú zɔŋa tə mʊnɛɛ də nabuliyɪa wa. Tə də níá tə zən tə jì jana. <sup>5</sup> À dàń nì də malɪka tə, ka nə ywàŋá níá yuu wa, swìn, ka wó:

«N mù nə yɪ cígá tíú. Yá n ga tə wulə wuuu. N mù nə yɪn lá fuən fuən. N mù cɪcɪ nə yɪ Yɪ, n nə dwə won mama. Kʊ yɪ cígá, n b̀̀r̀̀t̀̀ ỳ̀ǹ̀ t̀̀ t̀̀ b̀̀r̀̀à, ndə kʊ nə mɛ nɔtʊ. <sup>6</sup> Ba mù lià tɛntə gʊa lià tə, ba nə yɪ \*Kərisə nə tɪ, də n nii \*s̀̀s̀̀ǹ̀ǹ̀à tə jana ga lwá tɪa. Yá síb̀̀ǹ̀ nə, n dàń pɪn níá tə jì jana, sə ba nyʊ. Kʊ mù nə mɛ də ba».

<sup>7</sup> À dàń nì kori, kʊ nə nan jɔŋi kúrí tə con, kʊ swìn, kʊ wó:

«Kʊ yɪ cígá, \*Yuu-Tiu Yɪ tə, n nə wulə tə mɛ yuu wa. N b̀̀r̀̀à tə yɪ cígá cígá b̀̀r̀̀à, kʊ ga mɛ, sə kʊ ya nɔtʊ».

<sup>8</sup> Banɪa nii malɪka tə lwá ka wùrú zɔŋa tə yɪcəv tə yuu wa. Yɪcəv tə ma nɪ cwəŋə, sə kʊ dé lià tə də kʊ mən tə. <sup>9</sup> Kʊ b́́ŕŕt́́ t́́ dàń dí lià tə zənzən, yá də kʊ nɔtʊ mɛ, ba twɪn Yɪ də ba swìn sukukwɪnan ba pɪn ʊ yɪrɪ tə nə. Yɪ tɛntə nə jə diàn, ʊ mù nə pɪn yacara tɛntə yí ba. Yá ba lià tə ga wà s̀̀ɛ̀ ba vəvəri ba kwa, ba ma sá ba cɔna tə, sə ba pa dun Yɪ nə.

<sup>10</sup> Bonu nii malɪka tə lwá ka wùrú zɔŋa tə wojjiru tə padav tə yuu wa. Kʊ payuu tə zən kʊ



jì yikunu bwálí. Lìà tɛ dǎn ga dɪŋɪ ba nɛndɛlɛ ba yɪra nɛ wùrì yɪrɪ. <sup>11</sup> Ba wulɛ ba twɪn Yɪ tɛ, ɔ nɛ wulɛ ɔ sǎn nɛ, yawurɛ tɛ dɛ ba yɪra nɔran tɛ yɪrɪ. Yá ba ga bá sɛɛ, sɛ ba vɛvɛrɪ ba kwa, ba ma sá ba tɔtɔnkɔkwɪnan tɛ.

<sup>12</sup> Bardɔ nii malɪka tɛ lwá ka wùrú zɔŋa tɛ ɔfɛratɛ mɔnaa nɛfarɔ tɛ wa. Kɔ níá tɛ zɛn tɛ dǎn wɔ, sɛ tɛ yá cwɛŋɛ, tɛ pa pɛɛgá tɛ nɛ, ba nɛ naŋa yɪ yɪpɪan con ba biàn. <sup>13</sup> À ni \*zinɛ batwa, tɛ nɛ yɪ ndɛ nyɛnswɛrɛn nɛ, dɛ tɛ naŋa tɪdɛn tɛ, dɛ wojjɪru tɛ, dɛ kɔnkɔn sùsùnù nii nɛ. <sup>14</sup> Tɛ yɪ \*zinɛ tɛ nɛ jɛ \*Sɪtana diàn tɛ ma tɔŋa ɔ diàn mɪmɪnɔ. Tɛ mù zinɛ batwa tɛ vɛli tɪa mama yuu pɛɛgá tɛ con. Tɛ vɛli, sɛ tɛ kɛ ba duɛn yáá, sɛ tɛ ma ta kùdɛ dɛ Yɪ tɛ, ɔ nɛ wulɛ tɛ mɛ yuu wa, dɪn nɛfarɔ tɛ nɛ, ɔ nɛ lɪ ɔ tɪn.

<sup>15</sup> Yá Zwezi swɪn à con, ɔ wú: «Á cɔga zɛni, à biàn, sɛ à di á yuu ndɛ ŋwɪàn nɛ. Pupwɛn liù nɛ yɪ liù tɛ, ɔ nɛ ba dwɛɛ kɔ mǎŋá tɛ wa, ɔ ga jɛ ɔ ganan ɔ yɪra nɛ, ɔ dǎn ká va dɛ yaswɛlɛ, sɛ ba na ɔ cavɪra». <sup>16</sup> Zinɛ tɛ dǎn ken pɛɛgá tɛ duɛn nɛ, bwálí tɛ wa, ba nɛ boŋɛ dɛ \*Ebɛrɛ sugɔ, ba wú: «Arɛmagedon».

<sup>17</sup> Barpe nii malɪka tɛ lwá ka wùrú zɔŋa tɛ lanworu tɛ wa. Kori tɛ, nɛ jɛ diàn zɛn kɔ baa, kɔ nan Yɪ diɛ tɛ wa, padav tɛ con, kɔ swɪn, kɔ wú: «Kɔ fwa, kɔ zwɛɛ!» <sup>18</sup> Dwà pɪpɪlɪ ka baa, kwɛrɛ duɛn dɛ yɪn lá, tɪa tɛ ga vuvugu. Kɔ nɛ zɪɪ mǎŋá tɛ mama, lɛzoni nɛ wulɛ tɪa yuu wa, tɪa yá tɛ wà vuvugu zɛnzɛn kɔ yí nɛtɔ. <sup>19</sup> Tɪɔ nɛfarɔ tɛ, ba nɛ boŋɛ \*Babilɔnɛ tɛ, dǎn pwɛɛ twɛrɛ batwa, yá dwíé tɛ lɔɔ mama wa tɪfaran

tə mama dàń tva. Yı wà kú tə, Babilónə tián nə fwa tə yoo swèéé, yá ɔ cùgù ba. U lɔŋa tə zàn ba yuu wa zənzən, ndə ba nə lwá swana ba sú wùrú zɔŋa, ba pa ba nyɔ ba bɔbɔni. <sup>20</sup> Mɔɔ tətəŋi wa tián tə mama jén, yá pɛɛn tə də kùb ba na. <sup>21</sup> Dwakafina nəfaran nan yı, tə twi là tə yuu nə. Tə dwakafina təntə nəɔv mama yà yı kilo də kilo. Yá ləzoni tə dàń wulə ba twın Yı, dwakafina tə nə kəni yacara ba nə yı. Ba twın wá, tə yacara təntə nə dáá zənzən tə ja lɛ tə yı.

## 17

### *Kacwaran yáá tíú tə yoo (Apokalisè 16.19, 18)*

<sup>1</sup> Kú kwa nə, \*malıke barpe, tə nə jə wùrú zɔŋı barpe tə wa, malıka don twi ka swın à con, ka wú: «Bàá yəbə! À wá bırı mú bürà tə nə wá ja kacwaran yáá tíú tə nətɔ. Kú mù kacwarɔ təntə yı tıv tə, kú nə lwè naconı kapɔpɔ nii nə. <sup>2</sup> Tıa yuu pèegá tə fwa bacwan də kú mù kan təntə. Kú twá də ɔ mù kacwaran yáá tíú təntə, tıa yuu là ma zɔ bacwan wa, ndə ba nyɔa swana ba bɔbɔni».

<sup>3</sup> Yı-\*Sıŋu tə cuə à yuu wa, malıka tə ga tı nə, ka ja va ka tún kasɔɔ lanworu wa.

Kú bwálı tə wa, à nı kan də ɔ jèə wojijiru don nəsián mwın yuu wa. Kú yà jə yun barpe də nyɔran fugə. Kú yıra mama yà súé də yıra tə nə púpúná, tə nə twın Yı. <sup>4</sup> Kú kan tə zɔa gansıan mwın də gansısıɔv. U nán ɔ tián də síán də kapana wonanan də zanan. U yà jə síán wùrú

zɔŋa ɔ jìàn wa. Ku síán wùrú zɔŋa tɛntɛ yà súé dɛ caviyɛn dɛ durɛn, tɛ nɛ nan ɔ kacwan tɛ wa.

<sup>5</sup> Yiri don púpúní kan tɛ tɛlí nɛ, ku nɛ yi yosɛgu. Ku yiri tɛntɛ nɛ yi \*Babylonɛ tiv nɛfarɔ. Ku mù nɛ yi kacwaran tɛ dɛ tia yuu caviyɛn tɛ dɛkuu.

<sup>6</sup> À ni ku kan tɛntɛ dɛ ɔ nyɔa jana ɔ sú, ndɛ swana nɛ jɛ wá. Jana tɛntɛ yi là tɛ, ba nɛ gua ba nɛ yi \*Kerisɛ nɛ ti, tɛ yiri, dɛ ba nɛ swìn Zwezi cígá tɛ, ba biri tɛ yiri. À nɛ ni wá, ku gwári nɛ. Ku cígá gwári nɛ zɛnzɛn.

<sup>7</sup> Malika tɛ dàń ma swìn à con, ka wú: «Bèèè nɛ pɛn, ku gwári mú? Ku nɛ yi wojjiru tɛ nɛ jɛ yun barpe, dɛ nyɔran fugɛ tɛ, dɛ kan tɛ, ɔ nɛ jèó ku yuu wa yoo, à mù wá biri mú ku yosɛgu tɛ.

<sup>8</sup> Wojjiru tɛ, n yà nɛ ni dɛ ku wulɛ tɛ, kùù tɛlɛ. Ku dàń nɛ wá pìi ku nan buɔ tɛ, ku dàń nɛ lù zɛnzɛn, tɛ wa, ku va jíún bwálí nɛ ku cùgù míámíán. Yá ku wá gwári tia yuu lɛzoni tɛ, Yi nɛ wà ba yira púpúní mu sagi tɛ wa, ku nɛ zigi máná tɛ, ɔ nɛ fwa lɔɔ. Ku wá gwári ba, dɛ ba nɛ wá na wojjiru tɛ, dɛ ku yin lá, ku ga kùù tɛlɛ, yá ku tɛ wá pìi ku bà ku nan.

<sup>9</sup> Mɛ yɛbɛ nɛ yɛnu dɛ wɔbuŋa mɛ tɛ ya lá. Yun barpe tɛ biri pɛɛn barpe tɛ, kan tɛ nɛ jèó tɛ yuu wa. Yá tɛ mù tɛtɛ nɛ kùù biri pèegá barpe tɛ dɛ.

<sup>10</sup> Ba pèegá barpe tɛ wa, pèegá bonu tɛa. Bardɔ nii pìù tɛ tɛ wulɛ ɔ dé ɔ pàrì síún. Ba talikwa pìù tɛ tɛ wà twi. Yá máná tɛ, ɔ dàń nɛ wá bà, ɔ wá dé ɔ pàrì tɛ máná mancɛn wa. <sup>11</sup> Wojjiru tɛ, ku yà nɛ yin lá, ku ga kùù tɛlɛ tɛ dɛ tɛtɛ biri nana nii pìù don. Ku dɛ tɛtɛ yi pèegá barpe tɛ wa pìù don. Yá máná tɛ wa, ku mù nɛ wá bà, ku wá va

jíún bwálí nə, kv cùgù míámíán. <sup>12</sup> Nyvran fugə tə, n nə ni tə, biri pèegá fugə tə, ba tə nə wà pàrì ni, sə ba dé. Yá ba wá na pàrì, ba dé lugu nədu də wojjiru tə. <sup>13</sup> Ba pubuŋa yoo yi nədu, ba dàń ga pın ba diàn tə, də ba pàrì tə wojjiru tə nə. <sup>14</sup> Ba wá zìn kùò də liù tə, v nə yi ndə \*pabiə tə nə. Yá v wá ta ba v dé, v nə yi yun tián tə me \*Yuu-Tiu, də pèegá tə me Pìú, tə yiri. Yá v mù də lià tə, v nə kúrí v li v tún, ba nə sèe v nii də pùé nədu, wá dé diàn pèegá tə yuu wa də wá».

<sup>15</sup> Malıka tə kùò pií, ka swìn à con, ka wú: «Níá tə, n nə ni də kacwarv tə jèé tə yuu wa, luv nii mama lià, də púlé tə mama, də luv dwié tə mama, də suyirə mama lià nə tə biri. <sup>16</sup> Yá nyvran fugə tə, n nə ni də wojjiru tə wá ti dũŋi də kacwarv tə. Tə wá jon kv tə mama, kacwarv tə nə jə, tə ga wá yá wá yaswələ. Tə wá dé v yira nàńú tə, tə ga dılı kv gıganı mən wa. <sup>17</sup> Yu ken tə pubuŋa wa, sə tə tun, tə twá kv tə nə, v nə dí yáá v tanı v tún, sə tə tun də pubuŋa nədu. Yá tə dàń wá pa tə pàrì tə wojjiru tə nə, kv ja vèli máná tə, Yu sùràn tə mama nii nə wá bà, tə sú. <sup>18</sup> Kan təntə, n nə ni tə, nə biri tıfarv tə, kv nə dé diàn, tia pèegá tə me yuu wa».

## 18

### *Babilɔnə tvri tə yoo*

<sup>1</sup> Kv kwa nə, à ni \*malıka don, ka nan Yu \*sàń nə, ka cú. Ka malıka təntə yi diàn nəfarv tíú. Yá tia tə dàń pırv də ka dun tə. <sup>2</sup> Ka zìn ka kori ka kə yi nə, ka wú:

«Kv tua, \*Babylonè tiv nɛfarv tɛ tua buuu. Kv jigɛ \*zinɛ diè, kv jigɛ bwálí, zinɛ yiri mama, dɛ zɛhɛ kɔkwɪnan yiri mama, ba nɛ culi, zwi tɛ sɛgɛ kv wa. <sup>3</sup> Babylonè tɪfarv tɛ tua, kv tiv tɛntɛ tián pɪn, dwíó tɛ lɔv mama wa twá ba nɛ, tɛ zv bacwan wa, ndɛ ba nyva swana ba bubunɪ. Yá ba pɪn, tia yuu pèegá tɛ twá, ba zv bacwan wa. Ba tɛ pɪn, tia yuu baywɛlɛ tɛ dɛ twá ba jɪjɛ nɛfarv tɛ nɛ, ba jì jɪjɛ tián».

<sup>4</sup> À nì kori don, kv nɛ nan Yɪ sàń, kv bà, kv wú:

«Á naɲa, á yá kv tiv tɛntɛ, á mù là tɛ, á nɛ yɪ à mù là. Á naɲa lá, sɛ á dànà ká twá á tun ba cuna tɛntɛ. Á naɲa lá, sɛ á dànà ká twá á dɛ ba yacara tɛ. <sup>5</sup> Cígá, cuna tɛ, ba nɛ fwa, tɛ dáá zɛnzɛn duɛn yuu, tɛ di tɛ jɛ yɪ nɛ. Yɪ wà Babylonè tián kunkun yìèn tɛ swèéé. <sup>6</sup> Á fwa kv tɛ, tiv tɛntɛ tián nɛ fwa á yɪra, á ma ɲwín ba. Á ɲwíán ba cuna tɛ, ba nɛ tun á yɪra nɛɛ bɛlɛ, á pa ba. Ba jɛ swana wùrú zɔɲɪ, ba nɛ ma pɪn aba swana á nywìn. Á lwíá swana tɛ nɛ dáá, tɛ doni ba swana tɛ nɛɛ bɛlɛ, á kɛ ba wùrú zɔɲɪ tɛntɛ wa, á pa ba dɛ nɛ, sɛ ba nyv. <sup>7</sup> Nɛtv tɛ, ba nɛ bɪrɪ ba dun, ba ga tɔɲa jɪjɛ yìèn, mɛ nɛtv nɛ, á mɛ, sɛ á kɛ ba càndɛ pucunɪ wa. Á mɛ, sɛ á fwa ba nɛtv. Ba swìn ba waa con nɛ, ba wú: «Nɛ yɪ ndɛ pakan nɛ, v nɛ tà kadɛnu, v ga wàrɪ pucunɪ v nɪ abada.» <sup>8</sup> Kv mù tɛntɛ yɪrɪ nɛ, kv yacara tɛ mama wá bà naa nɛdv. Tɛ

càn tǝntǝ nǝ yɪ tɪan, pucɔni, niǝn dǝ mǝn, tǝ nǝ wá dǝ kɔ tɪv tǝ. Kɔ wá fwa nǝtv, \*Yuu-Tiu Yɪ tǝ, ɔ nǝ bǝrì kɔ bǝrà, sǝ ɔ cǝgǝ kɔ, nǝ yɪ diàn tiú tǝ yɪri».

<sup>9</sup> Tɪa yuu pǝegá tǝ mama, ba nǝ fwa bacwan, dǝ kɔ mù tɪv tǝntǝ tián, ba nǝ ni tori ba jɪjǝ wiǝn tǝ wa, wá kwi yɪniá, ba ga ya pucɔni wa tɪv tǝ tɔri tǝ yɪri. Ba wá fwa kɔ nǝtv tǝ, máǵá tǝ wa, ba nǝ wá na mǝn, tǝ nǝ dǝ tɪv tǝ, nywìñ dǝ tǝ zaɲa, tǝ di yɪ. <sup>10</sup> Ba wá zɪgɪ kwa kwa, tǝ càn tǝ fǝn nǝ jǝ ba yɪri. Ba wá swìn, ba wú:

«Lǝɛ yí, lǝɛ yí Babɔlɔnǝ tɪfarɔ tǝ! N yɪ tɪv tǝ, kɔ nǝ jǝ diàn, yá n bǝrà twi, ka bǝrì naa nǝdv».

<sup>11</sup> Yá tɪa yuu baywǝlǝ tǝ dǝ wá kwi yɪniá, yá ba ga ya pucɔni wa, kɔ mù tɪv tǝ yɪri, liú nǝ kúv tǝlǝ, ɔ yǝ ba yolu zɪla tǝ yɪri. <sup>12</sup> Tǝ zɪla tǝntǝ yɪ: síán, dǝ cɪniá, dǝ kapana wonanan zɪla, tǝ yoo nǝ cà, dǝ zanan, dǝ gankɪkalɪ yɪri mama tǝ duǝn, dǝ ga yɪ nǝstɪan mwɪn dǝ wiǝn tǝ, ba nǝ fwa dǝ dǝv, tǝ nǝ zɪǝn. Dǝ tǝ tǝ, ba nǝ fwa dǝ tún yelǝ, dǝ tǝ tǝ, ba nǝ fwa dǝ tív dǝv tǝ, kɔ yoo nǝ cà, dǝ wiǝn tǝ, ba nǝ fwa dǝ cɪniá, dǝ tǝ tǝ, ba nǝ fwa dǝ lugu, dǝ kacɪncɪnpwiǝn, wiǝn ba nǝ mà. <sup>13</sup> Kɔ súrɪ wiǝn tǝ, nǝ yɪ tɪralɪ yirǝ yirǝ nǝ, dǝ wiǝn duǝn, ba nǝ sɔri, tǝ lwán nǝ ywán, dǝ swana, dǝ nɔga, dǝ dipɛn mun, dǝ pamɪna, dǝ nián, dǝ pee, dǝ sǝsen, dǝ tǝrǝkorǝn, dǝ ywǝɲǝ. <sup>14</sup> Baywǝlǝ tǝntǝ dàñ wá swìn, ba wú:

«N puswǝn wiǝn tǝ vǝli yɪɲɔni, tǝ ga yá mú. Tǝ wiǝn tǝ mama, tǝ yoo nǝ cà, nǝ à yǝé, tǝ

nə zìen yì wa, n kwìn tə nə. Yá tə kùò təló».

<sup>15</sup> Baywələ tə də nə yoli ku tu tə wa, ba jì jìjə tián tə, wá zıgı kwa kwa, tə càn tə fən nə jə ba, sə tə dàn ká yí ba, tə kə lá yırı. Ba wá kwi yinı, ba ga wá yà pucunı wa. Yá ba dàn wá swın, ba wú:

<sup>16</sup> «Lee yí, lee yí tıfaru tə. Tıfaru təntə yà yı ndə kan nə ɔ zua gankıkalı, tə duən də ga yı nəstıan mwin. Ʋ yà kwen ɔ tián də síán, də kapana wonanan tə yoo nə cə, də zanan. <sup>17</sup> Yá ɔ jìjə wiən tə mama dàn nyɔba lá, naa nədu cıci wa».

Lìà tə mama, ba nə virí níá yuu bwərə tə, də ba yun tián, də lià tə nə wulə tə wa, də lià tə mama nə tɔŋa muɔ tə yuu wa, dàn yà zıga yıŋunı. <sup>18</sup> Ba ywàń, ba na tu tə, nə dé mən tə nywìń, də tə zaŋa, tə dı yı nə. Yá ba dàn wá bubwi ba swın, ba wú: «Tu yà təló, ku nə wáá ku maŋa də tıfaru ku tə.» <sup>19</sup> Ba lià tə dàn pèe purən, ba lwá ba yun wa, ba kwi, ba bubwi, ba ga kə ba tián pucunı wa. Ba dàn bubwi, ba wú: «Lee yí, lee yí tıfaru ku tə. Ku yı ku twá ku mù tıfaru tə nə, ba tə mama nə jə níá yuu bwərə muɔ tə yuu wa, ma jì jìjə tián. Yá ku zəzən ku cògò, ku jì tutu, naa nədu cıci wa».

<sup>20</sup> Yı sàń lià-ba, á yana pupwən wa, ku tu tə tɔrı tə yırı. Á mù lià tə, á nə yı Kərisə nə tı, də á mù Zwezi \*tuntuna-ba, də á mù Yı nii \*sùsùnà-ba, á də yana pupwən wa. Yı nə bùrì tu bùrà, ɔ ma pa aba cígá yırı.

<sup>21</sup> Kù kwa nè, malika don, ka nè jè diàn, ti kapan, kù nè yì ndè kapan nèfaru nè, ba ma gà mun. Ka dili kù muu tɛ wa, ka ga wú:

«Mè nɛtu nè, ba wá yigu Babilonè tu nèfaru tɛ, ba di tia dɛ diàn. Yá kù kùdù bá piì kù na. <sup>22</sup> Ba kùdù bá ni kɔndurɛ tɛ konkolu kori, dɛ gwaga tɛ gwaran kori Babilonè wa. Ba ma kùdù bá ni wii tɛ dɛ nabwanan tɛ kori kù wa. Ba kùdù bá na jɛn tutɔŋi liù mama, ɔ nè fwa tutɔnyiri mama kù wa. Ba kùdù bá ni mun gàrán kori kù wa. <sup>23</sup> Cànú mɛn poni kùdù bá ya kù tu tɛ wa. Ba kùdù bá ni fúru zɛzugu kù wa. Kù wá yà nɛtu, kù baywɛlɛ tɛ yà nè dɛwɛ tia yuu baywɛlɛ tɛ mama yiri. Kù mù tu tɛntɛ tiàn ga nè tun ba cɛri tɛ, ba ma gɛgarɛ dwié tɛ lɔu mama wa, ba dugu. <sup>24</sup> Yá kù mù tu tɛntɛ waa nè, ba ni Yu nii sùsùnà tɛ jana, dɛ lià tɛ, ba nè yì Yu nyiɛn jana, dɛ lià tɛ mama, ba nè ken sùu ba bian nè tia yuu wa, jana».

## 19

*Nɛtu lià nè bwi Yu nè Yu sàh tɛ wa  
(Apokalisè 18.20-24; 11.15-17; 21.1-5)*

<sup>1</sup> Kù kwa nè, à ni kori, kù nè jè diàn, kù nè yì ndè lakapupu nè swin Yu \*sàh nè, kù wú:

«Alɔbɔya! Nè nyina Yu nè jon nèba nè cuna wa. U mù nè ti dun, ɔ ga jè diàn dɛ. <sup>2</sup> U bùrà tɛ yì cígá bùrà, kù mɛ, sɛ kù ya nɛtu. U bùrì kacwaran yáá tíú tɛ bùrà, ɔ yà nè cùgà tia yuu lià tɛ dɛ, ɔ nè pin ba pɛni duɛn vɛɛ vɛɛ tɛ. Yá ɔ dàñ fwìn ɔ lɔŋa kù kan tɛ yuu



wa, v ga cùgè wá v tùtùnà tē yiri, v ga bwe  
v tùtùnà tē jana tē bwiə v con».

<sup>3</sup> Ba lià tēntē nē wulə Yu sàñ nē tē, kùò pìi ba  
swìn nēē bələ nii nē, ba wú:

«Aliluya! Ti v tē nē dé mēn tē, nywìñ yi tē zaŋa,  
máŋá dē máŋá, ku nē ba zwèe».

<sup>4</sup> \*Nəkwina sapva dē bania tē, dē wiən bania  
tē dāñ tua Yu yáá con, ba pa wá dun, v nē jèó  
pada v tē yuu wa, ba swìn, ba wú:

«Aliluya, ku yi cígá!»

<sup>5</sup> Kori don nan pada v tē yuu, ku wú:

«Á bwia nē nyina Yu tē nē, á mù lià tē mē, á nē  
yi v tutunbia, á nē zilí wá! Á ləzwənbii dē  
ləzwənfaran pīan dun Yu nē!»

<sup>6</sup> Yá à nì kori, ndə lakapɔvɔ kori nē, ku ga yi  
ndə níá nē dáá, tē ga dəri tē biàn, ku ga yi ndə  
dwà nē baa dē diàn nē dē ku swìn, ku wú:

«Aliluya! Nē \*Yuu-Tiu Yu tē, v nē wulə tē mē  
yuu wa, tún v pàrì tē. <sup>7</sup> Nē pwələ nē  
pùé, nē yana pupwən wa, sē nē ga pa dun  
\*pabiə tē, ka fúru tē máŋá nē yí yiri. Ka  
fúru kan tē tan v tiàn, v dànì ka. <sup>8</sup> Yá ba  
dāñ pīn, v zv gankíkala ku nē yi pari, ku  
ga pipili. Ku ganzəŋu tē biri lià tē, ba nē  
yi \*Kərisə nē ti, tutunan tē, tē nē yi cígá  
cígá yìèn».

<sup>9</sup> \*Malika tē swìn à con nē, ka wú: «Púpúní  
yìèn tē tē: Pupwən wulə dē ba tē, ba nē bon ba,  
ndə pabiə nē tē, fúru tē wa!» Ka tē ma kùò swìn  
à con, ka wú: «Tē yi cígá sùràn, tē nē naŋa Yu  
con». <sup>10</sup> À dāñ ma tv ka nēē nē, sē à pa ka dun. Yá  
ka dāñ swìn à con nē, ka wú: «Cī n tiàn nē, dàn

ká fwa ku yoo tǽntǽ! À dǽ yi Yıı tǽtǽnbiá, ndǽ n nǽ, à ga yi ba tǽ, ba nǽ yi n nubıá Kǽrisǽ yırı, ba nǽ swın v sǽgv tǽ ba bırı lià nǽ, tǽtǽndon. N mǽ, sǽ n pa dun Yıı nǽ mǽbú!» Ku yi Zwezi-Kǽrisǽ sǽywanǽ tǽ nǽ pın, Yıı nii sǽsǽnà tǽ swın v nii sǽràn tǽ.

*Lıù tǽ, v nǽ ðıgà sısanpon tǽ yoo  
(Zwıdǽ 15; 2 Tesalonikǽ tıán 2.8)*

<sup>11</sup> Ku kwa nǽ, à ywanǽ, dǽ nǽn, Yıı \*sǽn tǽ ku sǽrı, sısanpon ga zıga lá nǽ. Ba bonǽ liù tǽ, v nǽ jǽǽ ka yuu, pǽǽ nǽdv tíú dǽ cígá tíú. V mǽ nǽ bǽrı bǽrà dǽ cígá, v ga yi cígá, v ma tǽ dǽ. <sup>12</sup> V yıá yi ndǽ mǽnvoǽ nǽ, dun yupurǽn, tǽ nǽ dáá, yà púǽ v yuu nǽ. V jǽ yırı don, ku nǽ pǽpǽnı v yıra, liù don nǽ yǽrı, dǽ ku nǽ tà v tǽtǽ. <sup>13</sup> Yá v yà zva gandarv, ku nǽ swe dǽ jana. V yırı nǽ yi «Yıı Sǽgv». <sup>14</sup> Kwatara tǽ nǽ wulǽ Yıı sǽn nǽ púǽ v kwa sǽsenpwǽnǽ yuu wa. Ba zva gankıalan nǽpwǽnǽ, tǽ nǽ yi parı. <sup>15</sup> Lagırı sıú, ku nǽ jǽ nii fula fula, nanǽ liù tǽ, v nǽ jǽǽ sısanpon tǽ yuu, nii wa. Ku mǽ nǽ wá ta luv dwıǽ tǽ mama wa. V wá dǽ pàrı ba yuu wa dǽ ðıàn. V wá pa Yıı tǽ, v nǽ wulǽ tǽ mǽ yuu wa, lıǽ zàn ba yuu wa, ndǽ ba nǽ tıtagı kaccan zǽv nǽfarv wa, sǽ ba lı tǽ níá nǽtv. <sup>16</sup> Yırı pǽpǽnı v gandarv tǽ dǽ v ciın yıra, ku wú, v yi: «Pǽǽgá mǽ Pıú, yun tıán mǽ \*Yuu-Tıu».

<sup>17</sup> À nı malıka don dǽ ka zıga yıcav tǽ wa. Ka zın ka kori, ka kǽ yıı nǽ, ka swın zunı tǽ mama con, tǽ nǽ pǽrı yıı nǽ ban ban, ka wú: «Á bıàn yǽbǽ, á kun duǽn nǽ, á dǽ Yıı cànà nǽfarv tǽ!

18 Á bìn, á dé pèegá nàṅú, də pamana yun tián nàṅú, də ladıra nàṅú, də səsən, də lià tē nē dīgà tē nàṅú! Á bìn á dé ba tē nē tı ba tián, də ba tē nē yı ywəṅə nàṅú, də ləzwənbii nàṅú, də ləzwənfaran nàṅú!»

19 Yá à dān nı wojjiru tē, də tıa yuu pèegá, də ba kwatara, ba twi ba kun duən nē, sə ba mù də liù tē, v nē dīgà sısan tē, də v də kwatara tē, ta kùù də duən. 20 Ba dān ma ja wojjiru tē də kunkun sùsùnù. Liù təntə fwa dīan mımınu wojjiru tē yáá con. V gıgarı lià tē, nē pın ba fwa wojjiru tē mımınu tē ba yıra, ba ga twı ku nyınyıga tē yáá con, ba pın ku dun. Ba dıli tē mama bələ mənvoō nəfarı wa də tē nəṅə. Bwálı təntə wa, mən tē yı tē dé də tē wa jirəbuu. 21 Ba kwatara tē gıganı tē mù yı liù tē, v nē dīgà sısan tē, lagurı sùù tē nē naṅa v nii wa tē, nē gva ba. Zıṅı tē mama dān ma zıvıgv ba nàṅú, tē sú.

## 20

### *Bına mürü pàrì tē yoo (Apokalisë 5.9-10)*

1 Ku kwa nē, à nı \*malıka, də ka nan Yı sàń ka cú. Ka jə buu tē, ku dēń nē lü zənzən, borbiu də banzala nəfarı ka jın wa. 2-3 Malıka tē jın tıdən tē, ku nē yı dən nədwan tē, ku nē yı ‹\*zinə pıú› kukwıun, ka mù ga nē yı ‹\*Sıtana›, ka vwa. Ka dān dıli ku Sıtana malıke buu tē wa, ku dēń nē lü zənzən tē, sə ku fwa bına mürü. Ka tagu buu tē nii də borbiu, ka ga mà tanpən lá nē. Ku nətı dān wá pa, ku kùù bá pıı, ku gıgarı dwıé tē lıu mama wa, ku ja vələ bına mürü (1 000) tē, ka

zwèe. Ku kwa nè, ku mε, sɛ ba kùrì ku, ba dɔgu máńá mancun wa nè.

<sup>4</sup> À nɪ padaran, là nè jèó tɛ yuu wa. Là tɛntɛ yà nɪ cwɛŋɔ, sɛ ba bùrì là bùrà. À nɪ là, ba nè tɪga, jèrí. Ba là tɛntɛ yɪ ba za ba gu, ba nè swìn Zwezi-\*Kərisə sɔywánú tɛ, ku nè yɪ Yɪ sɔgu tɛ, ba bɪrɪ, tɛ yɪrɪ. Là tɛntɛ vɪga, sɛ ba tɔ wɔjɪjɪrɪ tɛ dɛ ku nyɪnyɪga tɛ yáá con, ba pa tɛ dun. Ba là tɛntɛ vɪga, sɛ ba kɛ wɔjɪjɪrɪ mɪmɪnan tɛ ba tɛlɛ dɛ ba juun nè. Yá ba là tɛntɛ dàń nè pɪí ba bwin ba wulɛ mu wa, ba ga wulɛ, ba dé pàrì dɛ Zwezi-Kərisə, ku ja vɛlɛ bɪna mùrù. <sup>5</sup> Mɛ tɛntɛn tɪga ka bwin ka nan tɛ nè. Tɪga tɛ duɛn tɛ mù bá pɪí ba bwin, ku ja vɛlɛ bɪna mùrù tɛ ka zwèe. <sup>6</sup> Là tɛ, ba nè twá ba wulɛ tɛntɛn tɪga tɛ ka bwin ka nan tɛ wa, yɪ pupwɛn là, ba ga yɪ \*Kərisə nè tɪ ba. Bɛlɛ nii tɪan tɛ ba dɪàn jɛ ba mù yuu wa. Yá ba dàń ya Yɪ dɛ Kərisə \*jɔŋwana, ba ga wá yà dɛ wá, ba dé pàrì, ku ja vɛlɛ bɪna mùrù tɛ ka zwèe.

### *Sítana tɔrɪ tɛ yoo*

<sup>7</sup> Máńá tɛ, bɪna mùrù tɛ nè wá zwèe, ba wá kùrì \*Sítana, ba lɪ v bɔv tɛ wa, ku yà nè yɪ v bán dɪè. <sup>8</sup> Yá v dàń wá nan v va, sɛ v gɪgarɪ dwíé tɛ lɔv mama wa, ba nè wulɛ tɪa tɛ sapara banɪa tɛ wa. Lɔv níé tɛntɛ yɪra nè yɪ Gɔgɔ dɛ Magɔgɔ\*. U ken duɛn yáá nè, sɛ ba ta kùbù. Ba nii wá yà dání, ndɛ muv nii kasɪv nè. <sup>9</sup> Ba dàń nan bwálá mama ba bà, ba kun duɛn nè bwálá nɛdɔ. Yá ba dàń vɛlɪ ba kɪkarɪ là tɛ, Kərisə nè tɪ ba, bwálí

\* **20:8** 20.8 Mɛ nɛtv ba bɔŋɔ là tɛ, ba nè yɪ Yɪ là tɛ dɔŋa tɛ.

tə wa, ba nə wulə tiv tə, Yui nə swə zənzən tə wa. Yá mən dàń nan yui nə tə cú, tə dé ba mù lià təntə, Sıtana nə ken duən yáá nə, tə gv. <sup>10</sup> Ba dılı Sıtana, v nə gıgarı ba tə, mənvoov nəfarv də tə wa jirəbuu wa. Mə bwálí təntə wa nə ba dılı wojjiru tə də kunkun sùsùndè. Ba mama dàń wá dé càn yıcau də tıtın mánjá də mánjá, kv nə ba zwèe.

*Talíkwa b̀̀rà ka b̀̀r̀̀ yoo*

*(2 Piyerə 3.7-12; Zwan 5.26-29; Tútunan 17.30-31)*

<sup>11</sup> Kv kwa nə, à nı padav nəpon nəfarv də liù, v nə jèé kv yuu. Tıa tə də lanworu tə dəri tə jén v yáá con. Tə yà kùb̀̀ t̀̀l̀̀. <sup>12</sup> Yá à dàń nı tıga tə mama, ləzwənbii də ləzwənfaran, ba zıga padav tə yáá con. Ba sùrú saga, ba ga sùrí sagı don də, kv sagı tə nə yı mı sagı. Ba twá kv tə nə púpúnı saga tə wa nə, ba ma b̀̀r̀̀ tıga tə b̀̀rà, ndə ba tütunəe tə nə bırı nətı. <sup>13</sup> Muv pın tıga, ba nə mé kv wa, tıan də tıga bwálí də pın tıga, tə nə wulə tə con. Ba dàń twá ba tıga tə tütunan nə, ba ma b̀̀r̀̀ nə ba liù mama b̀̀rà. <sup>14</sup> Ba dılı tıan də tıga bwálí nə mənvoov nəfarv wa. Mə kv mù yı nəe bələ nii tıan tə. <sup>15</sup> Ba dılı liù mama, v yırı nə wà púpúnı mı sagı tə wa, mənvoov nəfarv təntə wá.

## 21

*Lanworu nədvn də tıa nədvn tə yoo*

*(2 Piyerə 3.13-14; Romə tıán 8.17-18)*

<sup>1</sup> Təntən lanworu tə də təntən tıa tə nyva lá. Muv də yà kùb̀̀ t̀̀l̀̀. Yá à dàń nı lanworu nədvn

də tɪa nəðvɒn. <sup>2</sup> Kʊ kwa nə, à nɪ tɪv tə, kʊ nə Yɪ nyɪən, kʊ nə yɪ \*Zwerizalemə nəðvɒn tə, də kʊ nan yɪ nə Yɪ \*sàh nə, kʊ cwɪ. Yɪ yà kwɛn kʊ ndə fúru kan nə kwɛn v tìàn nətʊ, sə v ma jérí v barɪ. <sup>3</sup> À nì kori, kʊ nə jə dɪàn, də kʊ baa, kʊ nan padaʋ tə con, kʊ wú: «Nèh, Yɪ dàh wulə ləzoni tətəŋi wa. U wá yà də ba, ba ga wá yà v mù là, ba nə nan dwíé tə mama wa. Yɪ tətə dàh wá yà də ba, v ga wá yà ba Yɪ. <sup>4</sup> Yá v wá mùrí ba yɪnɪa mama. Tɪan, də pucvɒnɪ, də bubwiə, də càn kúð bá ya lá, təntən wodvra tə mama nə nyvə lá yɪrɪ».

<sup>5</sup> Liù tə, v nə jəé padaʋ tə yuu, ma swìn, v wú: «Nèh, wiən tə mama yɪ wodvra nə à pìí à fwa». U tə ma swìn, v sùrí lá nə, v wú: «Púpúní sùràn tə tə n tún. Tə yɪ cígá sùràn, tə ga mɛ, sə là twá tə nə». <sup>6</sup> U swìn à con, v wú: «Kʊ fwa kʊ zwèe. Á yɪ Aləfa də Omega, kʊ mù nə yɪ à yɪ təntən liù, à ga yɪ yígúré liù də. Liù tə nanyvɒnɪ nə jə, à wá pa wá nabuliyɪa tə kʊ níá nə pɪn mɪ, sə v nyv tɒtv. <sup>7</sup> Liù tə nə wá ta v dé dɪàn lwanɪ yuu wa. À wá yà v Yɪ, v ga wá yà à biú. <sup>8</sup> Yá là tə, ba nə ba cwəŋə nəðv tì, də là tə, ba nə dʊgv Yɪ cwəŋə tə, də là tə, ba nə tɒŋa cavɪyɪən, də lagvra, də là tə nə cwàrɪ, də là tə nə fwa cɪrɪ yìhən, də là tə nə bʋɪ wɒŋwanan nə, də kʊnkʊna tə mama, ba mù là təntə bwáí yɪ kʊ wulə mənʋoo nəfarv də kʊ wa jirəbuu tə wa nə. Mənʋoo nəfarv təntə nə yɪ nəɛ bələ nii tɪan tə».

*Zwerizalemə nəðvɒn tə yoo  
(Ebərə-ba 11.10, 16)*

<sup>9</sup> Kù kwa nè, \*malika don twi à con. Malika tɛntɛ nan malikɛ barpɛ tɛ nè jɛ wùrú zɔŋɪ barpɛ tɛ, tɛ nè súé dɛ talikwa yacara barpɛ tɛ wa. Ka swìn à con, ka wó: «Bàá yɛbɛ! À wá birɪ mú fúrí kan tɛ, liù tɛ, ɔ nè yɪ ndɛ \*pabiɛ nè, nè kúrí ɔ swe».

<sup>10</sup> Yɪ-\*Siŋu tɛ cuɛ à yuu wa. Malika tɛ kùò ti nè, ka ja di paan nɛfarɔ, kù yuu nè dara dɛ tia.

Malika tɛ dàń ma birɪ nè tiv tɛ, kù nè yɪ Yɪ nyiɛn. Kù mù nè yɪ tiv tɛ, kù nè yɪ \*Zwerizalemɛ tɛ, kù nè nan yɪ nè Yɪ \*sàń nè, kù cwi. <sup>11</sup> Yɪ dun tɛ yà pìrì kù. Tiv tɛ yà pɪpɪli ndɛ kapana, ba nè ma nàŋà, kù dɛ nè pɪpɪli, ndɛ zɛŋɛ nè, kù yoo nè cà, ba nè ma boŋɛ «zwasɛpɛ». <sup>12</sup> Béré nɛfarɔ, kù yuu nè dara dɛ tia, yà kɪkari tiv tɛ. Kù yà jɛ mimie fugɛ bɛlɛ. Malikɛ fugɛ bɛlɛ yà cì mimie tɛ nè. Yɪra yà púpúní tɛ mimie tɛ yuu, tɛ nè yɪ \*Yizɛrayelɛ lià dɛwíé dɛkuren fugɛ bɛlɛ tɛ yɪra.

<sup>13</sup> Yɪ yɪpɪan con mimie batwa, jɛgwíɛ sɛparɔ tɛ con mimie batwa, jɪzɛn sɛparɔ tɛ con mimie batwa, Yɪ yizwɪa con mimie batwa. <sup>14</sup> Béré tɛ yà yɪ ka zɪga pìràn fugɛ bɛlɛ yuu wa. Tɛ pìràn tɛntɛ lwiu tɛ nɛɔv mama yuu wa nè, ba púpúní pabiɛ tɛ tuntuna fugɛ bɛlɛ tɛ yɪra lá nè.

<sup>15</sup> Malika tɛ nè swìn à con yà jɛ síán mu, kù nè maŋa wiɛn, sɛ ɔ ma man tiv tɛ, dɛ kù mimie, dɛ kù béri. <sup>16</sup> Malika tɛ man tiv tɛ dànì dɛ kù wanɪ kù na dɛ tɛ mama mɛ duɛn. Kù man tiv tɛ dànì dɛ dɔò tɛ, kù yà dɛwɛ kilomɛtɛrɛ mùrù bɛlɛ (2 000). Tiv tɛ wanɪ dɛ kù yuu tia zɪga yà mɛ dɛ kù dànì tɛ. <sup>17</sup> Malika tɛ man béré tɛ, kù nɪ dɛ kù yɪ mɛtɛrɛ 72. Malika tɛ yɪ lɛzoni nè maŋa wiɛn nɛɔv nè kù man.

18 Béré tē yī kapan tē, ba nē ma bonə «zwasəpə», tē nē ba ma lwà kv. Tiv tē mama yī síán parı, nē ba ma fwa kv, kv ga yī ndə zəŋə nē, kv nē pıpılı. 19-20 Tiv tē dəkuu pìù kapana tē yī ba nən tē də kapana yirə yirə, tē mama yoo nē cà. Tiv tē dəkurən fugə bələ tē nədu mama yà jə kapan yiri don. Kapana təntə yira nē yī: zwasəpə, safirə, kaləsıdvanə, emerodə, sarədonikəsə, sarədvanə, kərisolitə, berilə, topazə, kərizopərazə, dirəkvazə, ametisətə. 21 Mimie fugə bələ tē yī kapana fugə bələ tē yoo nē cà. Mimi mama yī kv fwa də zàŋú nədu. Tiv tē kanporu yà yī, kv fwa də síán tē nē yī parı, kv nē yī ndə zəŋə nē, kv nē pıpılı.

22 À wà Yı \*diè nı tiv tē wa. \*Yuu-Tiu Yı tē, v nē wulə tē me yuu wa, də pabiə nē tē, nē wulə kv wa, yá lià tē ga pın ba dun. 23 Tiv tē ba yıcau də cànà pìà, sə tē pa kv poni. Yı dun tē də yī liù tē, v nē yī ndə pabiə nē tē, nē pìrì kv mama də poni. 24 Dwíé tē luv mama wa wá yà kv poni tē wa. Tıa yuu pèegá tē də wá ja ba jıjə tē, ba bà kv wa. 25 Kv mimie tē bá sun yıcau wa, abada. Tıtın bá yà lá, kv mù nē pın, tē bá sun. 26 Kv bwálí tē wa nē, ba wá ja dwíé tē luv mama wa jıjə, də ba dun ba nē pın, ba ja bà. 27 Won tē, kv nē jə durən bá zv lá. Liù tē nē tıŋa cavıyien də liù tē nē kunı kunkun də bá zv lá. Kv yī lià tē cıci, ba yira nē púpúnı pabiə nē tē mıı sagı tē wa, nē wá zv lá nē.

## 22

<sup>1</sup> Kv kwa nē, malıka tē bırı nē muna tē, kv



níá nè pín mu. Ku níá tē yi napwəne píri píri píri, ndə zəŋə nə pípuli nətu. Munaa tē níá yi, tē dəri tē naŋa Yu də pabiə tē padau tē con. <sup>2</sup> Tiu tē kanporu tətəŋi wa də muna tē bəbərən bələ tē yuu wa nə, tìú tē, ku yàá nə pín mu yà wulə lá. Ku tiu tē zɪŋa bia nɛɛ fugə bələ binu wa. Cànà mama, ku yàá zin bia. Tìú tē vuran tē yi ba ma ywarɪ dwíó tē lɔɔ mama wa, tē ga nə pín ba yazurə. <sup>3</sup> Won mama kùò bá ya lá, Yu nə wá cùgò. Yu də pabiə nə, padau tē wá yà tiu tē wa. Yu tutunbia tē nə wá pa wá dun. <sup>4</sup> Ba wá na ɔ yáá, ɔ ga wá púpúní ɔ yiri ba tɛlé nə. <sup>5</sup> Titi kùò bá ya lá, yá ba kùò bá pìà cànú mən, nə à yèé yicau poni, Yuu-Tiu Yu nə wá pa poni pìrì ba yiri. Yá ba dàń ga wá twá ba dé pàrì də Yu, ku nə ba zwèe máná də máná.

*Zwezi túrí tē yoo*

*(Apokalisë 1.1-3, 7-8; Matie 16.27; Galasi tiàn 6.7-8)*

<sup>6</sup> \*Malika tē swìn à con nə, ka wó: «Sùràn tē, tē yi cígá sùràn, tē ga mɛ, sə lìà twá tē nə. \*Yuu-Tiu tē, ɔ pín ɔ \*Siŋu tē ɔ nii \*sùsùnà tē nə. ɔ mù ga nə tun ɔ malika, sə ka biri ɔ tutunbia tē yìèn tē, nə mɛ, sə ku bà síún síún». <sup>7</sup> Zwezi swìn, ɔ wó: Á cɔga zəni, à bìn síún síún. Pupwən liù nə yi liù tē, ɔ nə jə sagɪ ku tē sùràn tē, tē nə yi Yu nii sùràn ɔ wa con.

<sup>8</sup> Ku yi à mù Zwan nə nì, à ga na tē wiən təntə. Máná tē, à nə nì, à ga na tē wiən təntə, malika tē nə biri nə à zwèe, à tua tia ka nɛɛ nə, sə à pa ka dun. <sup>9</sup> Yá ka dàń swìn à con nə, ku wó: «Cɪ n tiàn nə, dàn ká fwa ku yoo təntə! À də yi Yu

tutunbiu ndə n nə, à ga yɪ ba tə, ba nə yɪ n nubɪa \*Kərisə yɪrɪ, ba nə yɪ Yɪ nii sùsùnà tə wa liù. À yɪ ba tə nə jə sagɪ kɪ tə wa sùràn tə ba waa con tə liù don. Pa dun Yɪ cɪcɪ nə!»

<sup>10</sup> Malɪka tə kùb swìn à con, ka sùrí lá nə, ka wú: «Dàn ká sègè sagɪ kɪ tə sùràn, tə nə yɪ Yɪ nii sùràn tə, máná tə nə bwələ yɪrɪ, swìn tə n bɪrɪ. <sup>11</sup> Liù tə, ɸ nə tələ cígá wa, mɛ, sə ɸ kwɛn ɸ nan cígá wa, ɸ sùrí lá. Liù tə, ɸ nə beri ɸ tiàn cɪna wa, mɛ, sə ɸ kwɛn ɸ beri ɸ tiàn, ɸ sùrí lá. Liù tə də ɸ nə wulə cígá wa, mɛ, sə ɸ kwɛn, ɸ ya cígá wa, ɸ doni. Liù tə, ɸ nə yɪ Yɪ nyiən, mɛ, sə ɸ kwɛn, ɸ tun Yɪ fɪra, ɸ doni». <sup>12</sup> Zwezi swìn, ɸ wú: «Á cɪga zəni, à biàn síún síún. À ja liù mama tutuŋɪ ŋwírán, à biàn, sə à ma ŋwín wá. <sup>13</sup> À yɪ Aləfa də Omega, kɪ m̀ nə yɪ təntən də talɪkwa liù. À yɪ təntən liù, à ga yɪ yígúré liù də.

<sup>14</sup> Pupwən lià nə yɪ lià tə, ba nə sɪn ba ganzwɪran, kɪ pa ba na cwəŋə, ba d́ tìú tə bia, tə nə pɪn mɪ, kɪ tə pa ba na cwəŋə, ba twá Yɪ tu tə mimìə, ba zɪ kɪ wa. <sup>15</sup> Yá lià tə, ba nə tɪŋa cavɪyìən tə, ndə kukuri nə, də ba tə nə fwa cɪrɪ yìèn, də lià tə, ba nə cwàr̀ də duən vɛɛ vɛɛ, də lagura tə, də lià tə nə bwɪ wɔŋwanan nə, də lià tə mama nə swə kɪnkɪn, ba ga tɪŋa kɪnkɪn yìèn, ba lià təntə ba bwálí jə kɪ tu tə wa. Ba lià təntə wá mé kàrà wa».

<sup>16</sup> Zwezi kùb swìn, ɸ wú: «À m̀ Zwezi nə tun à malɪka tə, sə ka swìn tə yìèn təntə à lià tə púlé tə wa. À yɪ pìú \*Davidə dwíí tə wa biù. À m̀ nə yɪ jɪju naŋɔn tə, kɪ nə pén kɪ pɪpɪlɪ tə».

<sup>17</sup> Yu-\*Siŋu tɛ dɛ fúru kan tɛ dán swìn, ba wú: «Bàá!» Liù tɛ, ɔ nɛ nɛ́n tɛ sùràn tɛntɛ mɛ, sɛ ɔ swìn, ɔ wú: «Bàá yɛbɛ!» Liù tɛ nanyɔni nɛ jɛ, ku tíú mɛ, sɛ ɔ bà ɔ nyɔ níá. Liù tɛ, ɔ nɛ pià níá tɛ nɛ pin mi, ku tíú mɛ, sɛ ɔ na tɛ tutu!

<sup>18</sup> À mù Zwan nɛ swìn liù tɛ mama con, ɔ nɛ nɛ́n Yu \*nii sùràn tɛ, sagi ku tɛ wa, à wú: «Liù tɛ, ɔ nɛ sùrí yoo tɛ nɛ, Yu wá kɛ wá yacara wa, ndɛ sagi ku tɛ nɛ biri, càn yirɛ yirɛ tɛ nɛtu. <sup>19</sup> Yá liù nɛ kúú li Yu nii sùràn tɛ sagi ku tɛ wa, ɔ dugɔ, Yu bá pa wá cwɛɲɛ, sɛ ɔ twá ɔ dé tìú tɛ bia tɛ nɛ pin mi tɛ. Yá Yu bá pa wá cwɛɲɛ, sɛ ɔ twá ɔ zu tiu tɛ wa, ku nɛ yi Yu nyiɛn, ndɛ ku nɛ púpúní Yu sagi tɛ wa». <sup>20</sup> Zwezi tɛ, ɔ nɛ swìn tɛ yìèn tɛntɛ ɔ biri, nɛ swìn ɔ sùrí lá, ɔ wú:

«Cígá, à biàn síún síún».

Amiuna! Bàá Yuu-Tiu Zwezi!

<sup>21</sup> Yuu-Tiu Zwezi nɛ wá fwa pubwanɔ á mama yira.

**Yu soywánó sagı**  
**Nuni, Southern: Yu soywánó sagı New Testament**  
**Le Nouveau Testament en Nun**

copyright © 1999 Wycliffe Bible Translators, Inc.

Language: Nuni, Southern

Contributor: Wycliffe Bible Translators, Inc.

All rights reserved.

2020-11-30

---

PDF generated using Haiola and XeLaTeX on 30 Sep 2022 from source  
files dated 8 Feb 2022

d18530a7-7259-5f23-92b6-70e3abe5f3fa